

C40
4514
(26)

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8



C40-45-14

了翁上座請大藏及有
家書置之齋列紫雲山
我彼笑塔院庭府中未
為夢者不敢許出院內
富山二世鐵牛機謹誌



B 64853

佛頂五錄總目

第一

佛頂圖錄

第二

佛頂序錄

第三

佛頂枝錄

分七

一傳譯

二證本


三藏教

四弘法

第四

佛頂通錄

卷分上下



第五

佛頂宗錄

分三
頌 一垂示宗旨 二叅會公案 三舉拈偈

大佛頂首楞嚴經疏解蒙鈔卷末五錄_{之一}

海印弟子蒙叟錢謙並集

佛頂圖錄第一

序曰目雖在面假鏡以尋圖像引目可以鏡心心
如畫師巧幻遷改茫茫七趣填設繪彩道場法界
天宮地獄觀網交羅燦然尺幅輯佛頂圖錄
楞嚴持呪結壇十事表法圖

又十三種表法圖 三千世界圖

大千三界圖 須彌山圖

忉利天宮圖 二十五有之圖

首楞聖位之圖

三科色心開合圖

三界結惑之圖

見修九品斷惑圖

十二顛倒相因圖

六交報十習因圖

八寒八熱地獄圖

首楞嚴五十種禪魔圖

楞嚴呪心十乘觀法圖

四明依佛頂呪心消通天台十乘妙觀

流變三疊圖

台家永嘉元操造

總會楞嚴十義之圖

右三圖皆出圓靜教乘法數呪心流變二圖皆以楞嚴傅合台

教非此經本義也後一圖所謂總會十義者未知出於何宗以古人立此觀法師資相承必有來自今既未能根尋原委對決是非則寧過而存之庶後之君子或參考而有得焉

雪浪恩公楞嚴科判略圖

○雪山白牛糞

○平原穿地五尺以下

○十種香羅為粉合成一器

○方圓丈六為壇

○壇心金銀銅木蓮華

○鉢

○八月露水

○八圓鏡十六蓮華十六香爐

○十六乳器酥蜜等

○室中設佛菩薩神天像

○又於空中懸八鏡與壇中鏡

形影相涉

表

○純白不動戒力所生淨相和合

○旃檀即以戒入定

○透徧五陰濕蘊

○十波羅蜜合成真

○八識轉為二八之智

○圓收器

○八識秋成收氣

○智識所轉

○進修戒定慧法
佛
菩薩
主
定
慧

○以空攝用

之圖

表法

十事


結壇

持呪

首楞

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

楞嚴結壇三十種表法圖



印海

大千世界萬億須彌之圖



長阿含經二日月行四
天下為一世界如是千
須彌 千仞利千梵天千鐵圍
日月 月千須彌千閻羅王
名為大千即數小千至
滿一千名為大千即是一
十億即數中千復滿一
千名為大千即亦稱萬
東洲 須彌 億其中須彌山王四洲
日月乃至梵天各有萬
六象 億光明云百億須彌者
意億有四等一十萬者
億大十則當萬億二百
萬為億大千則當千億
百億四萬為億大千則有
百億四萬為億大千則有
須彌出第三之數然此以十
六象為正數成則同成壞則
劫翼同壞皆是佛化境界
為娑婆世界

大千三

界色無

界非無識空
界非無識空
界非無識空

十界色

究色
千劫
萬六

天現善
全劫
全劫

天熱無
千劫
百二劫

天生福
十劫
百五

天愛福
五百劫
五百劫

天量無
十劫
十劫

遍
十四劫
長六

天光量無
十劫
十劫

天淨量無
十劫
十劫

光
十劫
長

天淨量無
十劫
十劫

天淨量無
十劫
十劫

天大
十劫
長

天淨量無
十劫
十劫

天淨量無
十劫
十劫

羅摩

界欲

化
十劫
長

天淨量無
十劫
十劫

天淨量無
十劫
十劫

變樂
十劫
長

天淨量無
十劫
十劫

天淨量無
十劫
十劫

率
十劫
長

天淨量無
十劫
十劫


天淨量無
十劫
十劫

齒須
十劫
長


天淨量無
十劫
十劫

天淨量無
十劫
十劫


三科色心開合圖




首楞嚴十五七聖位圖



見修九品斷惑圖



三界結惑之圖



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

楞嚴十習因

姪	貪	慢	嗔	詐	誑	怨	見	枉	訟
一切	衆生	自業	所感	習交	欺	造干	習因	受六	交報
接	計	陵	衝	誘	嫌	明	加	誼	

發於

相磨	相吸	相待	相忤	相調	相因	相恨	邪業	誣謗	藏覆
----	----	----	----	----	----	----	----	----	----

故有

猛火鐵牀銅柱	寒水吒吒波波	血河灰河銅灌	刀山劍樹斧鉞	繩木絞校粗械	塵穢沒溺	擒捉擊射	王吏推鞠	合山耕磨	業鏡對驗
--------	--------	--------	--------	--------	------	------	------	------	------

諸事

十習爲因現此惡相

八寒地獄

地獄總圖

八熱地獄

頰部陀
尼刺部陀
頰折吒
囉囉婆
噓噓婆
嗚鉢羅
鉢特摩
摩訶鉢特摩

此從寒逼 偈
身胞裂者
此三從寒苦 曰
此三從身裂如
三種蓮花若

頰部陀尼刺部陀寒逼身胞及胞裂
頰折吒并囉囉婆噓噓婆三皆痛聲
六嗚鉢羅鉢特摩第八摩訶鉢特摩
青蓮紅蓮大紅蓮如次對三種色身
等活黑繩三衆合哩呌大呌六炎熱
七極熱下八阿鼻此八寒熱根本獄
准妙玄亦具百二十八若俱全圖列熱
豎寒橫故入寒不列遊增

等活
黑繩
衆合
哩呌
大叫
炎熱
極熱
阿鼻

斬刺磨搗吹活等前
以黑繩翻置後方斬鋸
苦具衆至合黨相殘
衆苦所逼悲哩發聲
極苦所逼大叫稱怨
炎逼身轉極苦難堪
内外自佗身出猛空相燒害
趣果受苦時命及形吾皆無間

每獄各有四門
門門各有四獄謂
糖煨屍糞鋒刀
烈河增也一獄旣
有十六則八獄總
有一百二十八皆
各遊增有情遊彼
其苦增故

首楞嚴十五

色陰十種

身能出礙
拾出蛻蛻
空中聞法
心光見佛
空成寶色
暗見如晝
燒斫不覺
佛國無礙
遙見遠語
形體遷改

受陰十種

悲心過越
勇功陵率
枯渴沉憶
慧力過定
憂心求害
喜悅不止
大我慢起
隨順輕安
撥無因果
愛極發欲

陰十種

銳思貪巧
游蕩思歷
綿脰求合
物化求元
懸應求感
樂寂求靜
愛研宿命
貪取神通
愛滅求空
貪求長壽

種禪魔圖

行陰十種

計度本末無因
計留徧帶
四顛倒
四有邊
四不死
死後有
死後無
死後俱非
七斷滅
五涅槃

識陰十種

因所因
能非能
常非常
知無知
生無生
歸無歸
貪非貪
真非真
定性聲聞生
定性辟支不同心者迷正知見

執生

外道
徧圓
倒圓
倒知
顛化
斷滅
妄延
天魔
纏空

種

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

約十乘妙觀消呪心十因圖

台
教
如來

因 執 乘 合 持 依 隨 行 誦 傳


此呪心

得正偏知	降魔制外	應微麗國	轉大法輪	蒙佛授記	拔濟群苦	為法王子	令小不怖	入大涅槃	付法嚴戒
不思議境	真正發心	巧安止觀	徧破諸惑	精識通塞	道品調適	對治助開	知位次	能安忍	無法愛

印
十乘觀法
海

略疏云。今此十因。即楞嚴呪王之形。觀之相狀。四明約天台十乘妙觀而消通之。此呪心即十乘之體。乘即心之相。

流變三疊圖 台教



共成一千二百
第三疊
余遊天竺得斯圖於永嘉友人洎考之乃與諸說稍異此出磐谷集

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

第疊 依開添心
無始來發業動生
當嘗詳煩惱根本此
六根更無他物若應
輪轉生死結根唯汝
識知俱生無明使汝
經吾阿難是欲

法 觸 味 香 於
聲 起添

發生
迷理為好髮愛
明點汝妄想
故云深胸即無
乃成十添心
完覺起心
於空境三四

變成十
北 南 西 東

意根十
身根八
舌根十
鼻根八
耳根十
眼根八

逆 修

依不變性即具隨緣義

根塵同源
隨緣緣逆修三疊
縛脫無二
隨緣緣順修三疊

第疊以無明添心
起背性修
研摩難者
起順性修

緣塵取著

經云復欲知無上
菩提令汝速證空樂
解脫寂靜妙常亦汝
六根更無他物若
不審觀煩惱根本則
不能知虛妄根塵
第疊依此起淨

於 色 聲 香 味
法 觸 起淨

研摩境三四
宛轉各修心
乃成十淨心
故云發明便解
脫智見覺
斯即涅槃

變成十
北 南 西 東

眼根八
耳根十
鼻根八
舌根十
身根八
意根十

順 修

以成業云云
造其習因熏
釋其所致
見意作救益
二下惡故云身
十惡成百
三完轉是定
此六境四

此即六根惡報其相如足
落乘風墮無間獄
定有足眾生妄想所造
終時先見惡風吹國土
著神識被吹上空旋
獄云乃至者惡報招引
惡果此惡業交則命
見猛火滿十方界者
神識飛墜成烟入無間
出者見報招引惡果
此見業交則隨終時先
惡故云一切眾生
六識造業所招惡報從根
此上惡業感百惡莊嚴
三四轉乃成千百

東山釋元操序
廣如圖列矣治平甲辰
經筆增數對論略至
對時方逆順各三於理
何依今約添淨二義略
之心府苟無所據修者
此即一教之宏宗萬行
文但剖時方未聞對法
楞嚴六根功德三疊雄

逆起第疊

變成百

第疊 業成招報
衆惡莊嚴

變成十

法 觸 味 香 於
聲 造十惡 窅見


意根百十
身根八十
舌根百十
鼻根八十
耳根百十
眼根八十

於 色 聲 香 味
法 觸 具百惡 世


意根具百
身根具八百
舌根具百
鼻根具八百
耳根具百
眼根具八百

東 西 南 北

總會上置滅字圓歸頂法真之義十嚴楞會總



下顯光通妙有自修起行



此為瓊四三
經講各修善善
乃成百千善
故手持此種
律儀般如來
雪自能生
切枝葉三言
四生必無因
玄用

此十善業感百福莊嚴故月藏第五至善者善具
十功德十善具百功德三四定轉乃成五百功德感云
如是法門先過吾恒沙劫中微塵如來乘此開得
無善道讓除若盡則汝現前諸根玄用從玄用中能
入善薩全剛乾慧圓明精心於中於化如淨琉璃內
含寶有知莫乃起上信純淨住上高四如行心全剛
十地等覺圓明分證入於如來妙莊嚴海究竟
玄用

此三疊流變天台操師
綜而為圖近代說者咸
取於斯但文相實博方
冊難於編錄捨之恐無
聞於後世今析為三段
而入焉中間措雖少
不同所用文義略無毫
髮之間觀者幸毋以列
次差別為疑也

「願起筆疊」係解
起行」。

「變十成百」
「第一疊」行成感果」
「衆善莊嚴」。

「變百成十」

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

第六卷

四觀音自陳圖通

- 初上下合
- 二十四無畏
- 三三十二應
- 四四不思議
- 五文殊揀選圍通
- 初四種律儀
- 初淫
- 二殺
- 三盜
- 四妄

第七卷

初安立燈場

- 二重請說呪
- 三阿難問四
- 十四心
- 四世尊說十二
- 類生
- 初卯生
- 二胎生
- 三濕生
- 四化生
- 五有色
- 六無色
- 七有想
- 八無想
- 九非有色
- 十非無色
- 十一非有想
- 十二非無想

第八卷

初三種漸次

- 一除其正因
- 二剷其正性
- 三違其現業
- 一五五位真義最路
- 二單乾慧位
- 三觀十位
- 四單十位
- 五單十位
- 六復十地位
- 七單等覺位
- 八妙覺位
- 九三殊問經名
- 十阿難問七趣
- 十一地獄
- 十二餓鬼
- 十三畜道
- 十四人道
- 十五天趣
- 十六修羅
- 十七初六欲天
- 十八初四天天
- 十九二初利天
- 二十二夜摩天
- 二十一四兜率天
- 二十二五化樂天
- 二十三六化乐天

第九卷

二色界四禪

- 初禪三
- 二禪三
- 三禪三
- 四禪九
- 五禪三
- 六禪三
- 七禪三
- 八禪三
- 九禪三
- 十禪三
- 十一禪三
- 十二禪三
- 十三禪三
- 十四禪三
- 十五禪三
- 十六禪三
- 十七禪三
- 十八禪三
- 十九禪三
- 二十禪三
- 二十一禪三
- 二十二禪三
- 二十三禪三
- 二十四禪三
- 二十五禪三
- 二十六禪三
- 二十七禪三
- 二十八禪三
- 二十九禪三
- 三十禪三
- 三十一禪三
- 三十二禪三
- 三十三禪三
- 三十四禪三
- 三十五禪三
- 三十六禪三
- 三十七禪三
- 三十八禪三
- 三十九禪三
- 四十禪三
- 四十一禪三
- 四十二禪三
- 四十三禪三
- 四十四禪三
- 四十五禪三
- 四十六禪三
- 四十七禪三
- 四十八禪三
- 四十九禪三
- 五十禪三

第十卷

四行陰魔

- 五欲陰魔
- 佛說五種妄想
- 一堅固
- 二虛明
- 三融通
- 四幽隱
- 五難習
- 賈曰科反傾壞曇
- 憐所美細科烟颯
- 漚彌塵飛雪浪說
- 法心眼如月十輪
- 迢然信目行列繫
- 表象外孤情絕照
- 邪入進夫誰與觀妙

首楞嚴經疏解蒙鈔卷末五錄

佛頂序錄第二

海印弟子蒙叟錢謙益鈔

序曰肇表三空。啟讚二匠。圓覺宗通。弘傳神唱。隨具宗眼。宿承台嗣。義海平騰。藻火交熾。都為序錄。庸表正令。展卷歷然。交網縣鏡。輯佛頂序錄。

首楞嚴經長水疏義序 大佛頂密因了義首楞嚴經者。乃竺乾之洪範。法苑之寶典也。昔能仁以出震五天。獨尊三界。假金輪而啟物。現玉毫而應世。觀四生之受苦也。惠濟庶物。愍羣機之未悟也。力垂善誘。

於是俯仰至理述宣微言闡大慈之門廓真如之海
以爲一切諸法唯依妄念而起一切衆生不出因緣
而有乃知生死輪轉貪欲爲本修證常樂禪慧爲宗
則斯經也可以辨識諸魔破滅七趣謂止及觀修圓
教妙明之心發真歸元證上乘至極之說懿其般刺
譯其義房相筆其文今江吳釋睿師學識兼高辨才
無礙以是經典爲時教於一代分妙理於十門功濟
大千道傳不二瞪目合手以明妄毀相泯心以會宗
信受則爲世津梁開悟則入佛知見乃顯經以作疏
因疏以明理故可以開前疑而決後滯披迷雲而覩

慧曰然後知色空無異同歸實際生佛靡殊不離方
寸隨志在外護慙無內學因獲覽閱輒述序引歸依
法寶幸結空於真詮讚歎佛乘願普沾於聖果者已

大宋天聖八年青龍庚午孟冬二十一日辛丑道齋
東軒叙中散大夫守御史中丞充理檢使權判吏部
流內銓上議軍瑯琊郡開國侯食邑一千九百戶食
實封二百戶賜紫金魚袋王隨撰

續傳燈錄丞相王隨居士得法於首山念禪師臨
終偈曰畫堂燈已滅彈指向誰說丟任本尋常春
風掃殘雪

譯經三藏朝散大夫試鴻臚卿光梵大師賜紫惟
淨謹上書於中丞閣下竊以大佛頂首楞嚴經者
菩薩行門諸佛心印開有爲卽塵沙妙用歸無相
卽法界真源不有不空絕名相於言筭之外現因
示果分階位於神化之境不礙心惑不礙智七
大之性大無所待八還之法還無所從所以了真
如心息虛妄本起方便慧宣秘密言萬法以之圓

融諸佛以之自在。入不二之二諦。悟不空之三寶。偉矣。真宗不可思議。事有高士著述。疏章煥決。祕詮簡談。佛旨恭惟。中丞入佛知見。解法因緣。爲護法城。作不請友。高製序引。恢闡教乘。永代作程。長冥示炬。惟淨。夙承道願。黍觀奇文。淺學縉流。叨覽章句。身心適悅。種智增明。頂奉歸依。不任抃躍。

重修長水疏王楞嚴大師塔亭記 昔玉巵旣灰。世眼將滅。有大智慧。集修多羅。以一切衆生。迷失真心。分爲四纏。疊爲五濁。妄想於煩惱塵勞之境。汨沒於生死苦海之中。能仁愍之。此大佛頂首楞嚴所由作也。開示第一義諦。以斥因緣自然。舉二源以證真妄。設三觀以融法界。標四輪以明所起。觀五陰以辯衆魔。破六入以指根塵。論七大以訶妄計。列八還以別

色相。釋九位以成勝果。談十種禪。那以息邪靜慮。至於綰結花巾。開合寶手。飛光晃昱。照徹真精。則是經也。作億劫之津梁。實生靈之耳目。去聖旣久。遺文未剖。宋興。有大法師。諱子璿。覺性圓通。辨智淵博。撰義疏一十卷。并科旨二篇。演暢微妙。學者宗之。世號長水。因所居之地。故丞相王公。遂爲序以冠其首。法師俗氏鄭錢塘。人生有異稟。九歲禮普慧寺契宗爲師。十二爲沙彌。十三度具戒。太平興國中。如秀州靈光寺。即精嚴寺依洪敏法師。傳賢首教觀。探道覩奧。而於楞嚴尤明隱蹟。厥後登法席。開誘緇褐。無慮三十餘會。

今嘉興楞嚴寺有雨花堂相傳於金剛著刊定記於
長水講楞嚴時感天雨花而建

起信著筆削記又講法界觀圓覺十六觀等亦無慮

數十會大中祥符六年翰林學士錢公易奏賜號楞

嚴大師寶元元年夏四月滅度瘞塔於城南真如院

建炎中金虜發其塔師危坐鎮中
爪髮遶身虜驚悸羅拜掩之而去今杭州慧因道場

在持法師淨源素學於長水之門猶南嶽之一思之

遷也即晉水法師賢首宗
次長水下居第七元祐元年高麗國王子祐

世僧統義天承佛風記航海來朝請益慧因之室為

長水嗣法孫過真如禮謁靈塔尊新損陋請王客員

外郎楊公傑題其額淨源師求余文以記夫雞林之

遠中國也數千餘里長水之棄世也五十餘載師其

言不遺其德悵其亡事之如生可謂篤厚好學君子

矣子因樂道其善而書之元祐三年五月既望朝散
大夫提舉杭州洞霄宮上

護軍吳興縣開國男食邑三
百戶賜紫金魚袋章衡撰

首楞嚴經泐潭標指要義序 長老月公居道濟庵

日與其徒論楞嚴要義而叅學應乾者記而集之書

來囑余為序余以為真無自性全物而彰物無自體

全真而現故妙性無為者其光明受用歷然素備非

言迹之所測而昧者迷方以徇物則偏滯滌縛之不

窮雖復以學解馳求而去真愈背矣夫學解於聲論

起於本聞。聞明循聲。則能所茲建。而國土由之以生。故此經開示密路。使學者知根歸元。以消垢念。則六門真用。本爾圓成。如木入息機。則諸幻皆滅。而月所在者。則於表亦亡。故茲論集。以標指爲目。斯盡之矣。若聞義者。超然證悟。與羣聖交光。其所密非從外得。乃可知。月公未嘗言也。熙寧六年二月十五日將仕郎秘書省著作郎洪州監苗

米倉兼遣發
綱運范响序

首楞嚴經吳興集解序

夫經者。傳道之器。復性之路。妙有之韞。固息於名言。解脫之說。弗離於文字。因心以會道。見月而遺指。聖者有作。明者能述。微言之

緒。隘隘不絕焉。大佛頂首楞嚴經者。迦文轉物之機。慶喜開權之教。實第一之義諦。不二之法門也。原夫真心常住。本體無生。三界緣興。始由於妄念。一精體變。遂汨於前塵色相。外冥心目。隨轉涅槃。迷而生死。作菩提昧。而煩惱興。流爲衆生。溺於濁劫。如來哀其然也。爲說斯經。近取諸身。誘致於性。除攀緣之妄。七處而推其心。破封執之迷。八還以研其蹟。以至飛光。左右寶手。開合顯真性不動之妙。展觀智無涯之照。洞諸根之幻妄。識自心之廣大。則是經也。以三摩提爲根力。以六入爲藏性。真如常徧。妙用在前。無法而

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

弗圓無入而非道所謂證金剛三昧超妙嚴之一門者不其然乎當是時佛尚住世人未去聖室羅筏之會千二百五十人皆是大阿羅漢妙堪遺囑故佛與之說法其言簡其旨明直破咎根不存枝葉而阿難誦誥猶多悲淚繫辭云作易者其有憂患乎乃知大權起教不為佛世眾生正憂五濁末世耳先是唐神龍初制止宣譯宰相房融為之潤文筆高語奇音旨清暢冥契佛志綽同神會乃知大經因緣豈偶然哉宋長水大士子璿解行高妙名稱普聞特稟圓機振發大教為之註解王丞相冠其篇福唐可度亦復勝

流嘗箋了義夏英公序其首吳興大士仁岳辯才無礙多聞第一道力全於正定智性了於真空棲神斯文入佛正解多歷年所廣集言論有若資中興福孤山樵李真際諸家之文即正經之說傳致其下仍以地著各以義解獨於已說標為私謂總成十卷題曰集解莫不文義璀璨華梵宣明亦猶室中千燈多光乎入堂下六樂正聲相通鼓吹大經藻火圓教噫佛滅後僅二千年經至於唐又四百年而教始興於宋神僧大士精文密旨續佛慧命為世導師津梁未來藥石病者法施功德豈有涯哉後之濟彼岸入法界

者當以此解爲舟楫爲門戶云

嘉祐己亥七月十一日翰林學士兼侍讀

學士朝散大夫尚書左司郎中知制誥充史館修撰判館事兼判尚書禮部提舉在京諸司庫務上騎都尉安定郡開國侯食邑一千

三百戶賜紫金魚袋胡宿撰

宿字武平常州武進人治平中由樞密使出鎮杭州謁岳師於靈芝咨詢道要執弟子禮爲師請淨

覺之號爲淨覺法嗣

首楞嚴經義海序 大佛頂首楞嚴經是諸佛之法

印羣生之心宗得此印者成正覺於十方迷此心者淪生死於塵劫是以釋迦如來獨佩此最上乘之法印而出現於世全提直指曲折開遮五十年間普印羣生心地末後再垂洪範重起真慈阿難示遭魔境

啟發宣明遂有首楞嚴王無見頂法之稱審問心見揀辯圓通宣勝義中真勝義性是故於中一爲無量無量爲一全彰頓悟併銷權乘發真歸元入如來藏以至天魔外道感悟心宗無量法門一印印定所謂是名無上寶印不虛語也般刺持此印逾海越漠鑠法用此印譯梵成華相國房公秉筆授而潤文王法璿師立科條而疏義自唐至宋閱五百年箋註相望皆此印也闍僧咸輝於禪學之餘綜集多書圓成大部題曰楞嚴義海華嚴主山之神所得法門名出現無邊大義海者誠有在於是焉余三復其文義海沖

深。法流瀾漫。事理俱備。性相混融。惟心法之大旨。盡於茲矣。讀者能穎脫名相。旋復根塵。翛然遊戲。寶明空海。直下取證。楞嚴圓照三昧。豈非悟自本心。得此法印者與。皇宋乾道八年十一月十五日。左太中大夫。參知政事。魯郡開國侯。食邑一千一百戶。食實封二百戶。賜紫金魚袋。嘗熟曾懷序。

後序 清淨海眼。照映千門。妙蓮花王。開敷萬行。銷慶喜之愛習。獲本妙心。蕩滿慈之疑情。入如來藏。星羅眾義。月滿一乘。乃大覺能仁。最後垂範。三觀妙門。入如來性海。謂妙奢摩他。三摩禪那也。然與圓覺三觀靜幻寂者。名同義異。涅槃三相定慧捨者。名異義

同。今經正顯心見性也。二十五聖。皆於此三。單復圓修。達磨直指人心。見性成佛。玄沙地藏。清涼法眼。那那廣照。皆得斯經深妙。大暢宗風。禪教同歸。定慧齊運。其惟此經焉。大唐慈法師精鍊十載。夢文殊乘後。猊入口。首解此經。目為玄贊。巨宋長水法師參那那廣照。言下大悟。遂依賢首五教起信五重。而釋通之。教徹終頓圓融。法第一心玄極。華嚴圓覺楞嚴起信。一真法界。常任真心。一以貫之者也。泐潭月禪師亦見那那妙悟心宗。觀長水義疏文廣。略其要義。名曰標指淨覺法師筆削諸疏。目為集解。私有助釋之文。

符會宗教焉。福唐禪人輝公書記。徧觀衆解。集成義海三十卷。智彬嘉其運心廣大。因為較證其文。序諸簡末。時乾道三祀孟冬。既望平江府。前任松江華嚴教院傳賢首祖教神照大師智彬於重玄古刹書。

義海緣起序 首楞嚴經。如來世尊最後垂範也。鞠其指歸。在乎徵心辨見兩門。辨見則恐人認妄覺所。明便同吾不見處之真見。徵心則使渠離前塵影事。見自己性覺妙明之本心。悟此心而山河大地。咸是妙明真心中所現物。得真見而父母生身。猶彼十方虛空吹一微塵。塵物直下兩忘。心境自然雙泯。無上

寶覺圓明真淨。在於是矣。昔隋智者大師。聞西竺有性宗楞嚴。晝夜西向作禮。遂宗法華作止觀。止觀卽此經中妙奢摩他毗婆舍那一義耳。此經旨趣淵隲。不可名言。故云。此法亦緣非得法性。又云。如何以所知心。測度如來無上菩提。皆是離於見聞覺知。絕乎修證行解。逮文殊稟命。料揀圓通。則曰。此方真教體。清淨在音聞。信知此法。還假聞思修三慧相須。而作庶幾盡證。反聞自聞之道。善哉微塵諸佛。涅槃妙門。在明悟而已矣。余初讀楞嚴。卽依月禪師標指。及得長水義疏。則知月亦師長水也。長水親蒙記荊。荷負

教乘發揚無上頂法妙旨悲願宏廣悟解詳明學海
瀾翻鋒詞辨利大文七科括盡楞嚴大要隨文疏決
真俗鎔融會色歸空教兼圓頓俾學者卽疏證經如
得門而入屋不遭歧達佛知見月公依長水義疏
標指要義宗眼明白見徹法源直截擷掇不務名相
皆前輩禪講中珪璋也小子修習既久取疏義標指
科行線路合經而集之兼採吳興岳師集解名曰楞
嚴義海經傳震旦將五百年義海中諸聖師師承不
同或各以智證遞遞銓衡以事相觀之予有得失以
理性質之正是相與抑揚聖教洗蕩物情華嚴文殊

問明涅槃純陀答難皆此意也余乃宗徒而於此二

初無適莫故綜而收之恭請姑蘇神照講師較證其
文照師著語發明處凡數段謂姑蘇曰者是也總三
十萬言分三十卷手自書寫入版流通聊以弊文記

其緣起云爾

時鉅宋乾道乙酉福唐靈鳳蘭
若稟釋迦遺教比丘成輝謹序

寂音尊者洪覺範尊頂法論自序 會萬物之謂心

冥一心之謂道心也者虛融包博煥發邃凝應變無
方威神莫測恢遠微妙無得而思議焉良以漚生大
海雲點太清鼓識浪而渺彌滓清塵而紆鬱由是正
徧知者利見五天洞開實際之門廣示真修之路使

識真者造忘言之極。懷寶者免窮巧之勤。前聖後聖莫不由斯悟入矣。首楞嚴經者。開如來藏之要樞。指妙明心之徑路。了根塵之妙訣。照情妄之玄猷。所謂入一乘之坦途。闢異見之宏略。始自阿難循乞。遭幻術所加。支殊承言。宣神呪以護。殷勤請最初方便。大慈示本覺元常。唯一直心。無委曲相。以斯內外七處。破妄心而顯真心。明暗八還。破妄見而顯真見。空五陰之處界。廓七大之性圓。各各知心徧十方。如觀掌果。一一悟性湛巨海。不認浮漚。獲本妙心。不從他得。加以滿慈疑山河大地無狀忽生。慶喜請華屋天王。

必由門入。那知瞽目。妄起狂花。分彼湛圓。成茲混濁。體六一之無二。究結解以同源。解雖密圓。行由人顯。遂乃救諸無學。各說圓通。無非真實。法門咸是本來因地。文殊大智。擇法眼以無差。觀音大悲。被娑婆之根器。微塵諸佛。同契真常。解行證成。於焉罄矣。厥後開物成務。請益陳疑。禁戒防非。垂四種明誨。清淨修證。列十地階差。放光宣神呪之功。顛倒成類生之異。精研七趣。廣示六交。重回紫磨金山。為說禪那現境。五種妄想為其本。一切魔事因之興。乘悟併銷。由次第盡真。無上寶印。誠微妙蓮華。窮徹果因。備殫理事。

祛十惡之重障。喻七寶以難齊。開示未來。菩提可到。一經旨趣。略舉於斯。或曰。諸師造疏。已廣通明。何藉方今。更爲論義。答曰。如來慧辯。理義聯環。房公淵文。詞采簡潔。而守章句者。滯筌筌之學。求理本者。陋文字之煩。未能和會折衷。雅符上器。不揆蠡管。擬測高深。略正綱宗。麤分科段。比前註疏。誠有所遺。翦稗莠而顯出嘉苗。忘義象而專趨妙悟。與我同志。諒無訕焉。後序。序曰。世尊於法華後說此經。備足諸經奧義。畢殫一乘要旨。五百年來。傳註箋釋。十餘家宗趣。每多異同。文義因之黯昧。余嘗深觀之。得世尊意。

於諸家傳著之外。將造論排斥異說。端正經旨。世緣羈縻。未遑楷筆。政和元年十月。以宏法嬰難。竄於朱崖。明年二月。至海南館瓊山開元寺。寺空如逃。亡家壞龕。惟有此經。余曰。天欲成余經論之志乎。自非罪戾投荒。渠能整心緒。研深談而思之耶。屬艸未就。蒙恩北還。依止故山。又二年而克成。二三子進曰。經論各有師承。奈何以禪宗經論乎。余曰。馬鳴龍勝。西天祖師也。而造論釋經。浩如山海。流傳此土。尚數百萬言。達磨曹溪。此方祖師也。而說法則曰。楞伽可以印心。傳心則釋金剛般若之義。禪佛祖之心。經佛祖之

語佛祖心口豈嘗相戾有人於此稱祖師用棒喝則謂之禪置棒喝而經論則謂之教於實際中受此取捨乎玄沙曰宗門教乘由汝舌本自回轉耳豈有實相韶國師舉今人看古教偈謂衆曰諸人喚甚麼作教莫道見說教之一字滯在教內道我宗門不恁麼教不迷人人迷於教只如五千四十八卷若識得不剩一字不欠一字若剩一字佛法有增若欠一字佛法有減佛法且無增減底道理又曰祖師是佛弟子若窮得佛語祖師語自然現前此殆天下之名言也嗟乎此經說尊頂法明見佛性而傳註之家從而汨

之學者即付受不妙乃疑以爲教乘其自障有如此可爲歎惜我釋此論有能於中發明自心契會佛意者願世世以法爲親同本願力共濟衆生化令成佛
八年五月一日謹序

重開尊頂法論跋語 華嚴經以諸善根廻向爲善學智地大方便海而大要皆願以妙辯才爲諸衆生隨機廣演悉令解了蓋如來以平等慈印現世出世法無上義諦非有超詣辯才以法邪解釋妄執使知境智歷然則隨順無明長眠生死徒自障隔耳是故菩薩於善慧地作大法師演說諸法必以無量善巧

佛門廣錄卷之三
十三
之智起四無礙大辯而四者所示皆種種智由是知
辯才出於智地利益衆生無暫捨離者以其通悟如
阿耨池流周浹無礙於我法中無戲論故寂音尊者
寶覺圓明禪師從墮地初有冲天志得法於文關西
英氣四靡智海湛然出慧光三昧爲翰墨自在遊戲
其見於文者皆道之餘也然以之藻飾教乘發明要
奧璀璨飛動如以阿僧祇寶間錯諸地妙莊嚴具凡
見聞者聳然增勝隨其根器各有所得豈非有大辯
才者乎滯於跡者不究所歸徃徃惜其牽於儒習則
第知其吐詞奮筆波瀾一世而已嘗觀此經註論專

以了知自心入道之門成佛顯決以定宗趣之立性
相洞該頓漸悉證詞約而達理盡而明要其本際內
融而力以弘法爲己任見道之審率自肺肝中流出
無徃而不通也昔竺道生悟涅槃未傳之旨講輩憎
疾以爲邪說生盟於衆以捨身時爲誓已而升座說
法墮塵而化寂音嘗論至此以謂生所見者純全而
義學相與擠去之小智自私無足怪者余以是知生
與寂音啐啄之機默契於千載之下造車合轍固自
有道耶余於寂音同宗兄弟也以舊本譌缺手鈔作
小楷以便學者閱習又摭其實以識卷末

紹興丁卯
元日雙溪

彭以明
謹書

首楞嚴經合論序 首楞嚴經之垂世也。指如來之藏性。與衆生之本源。了無差別。但能窮盡妄心。自然發露真見。慶喜自無迷悟。中而立問。善逝於無言說中。而對訓。玉轉珠回。聖言彌布。緣是有七徵。八還。四緣塵。二顛倒之密示。五陰六入。十二處。十八界。二十五圓通之詳辯。七趣三增進。四明誨。五十五位。洎五十種魔之顯決。其旨洞達。若大明麗天。而昧者不識。故寂音之論作。豈得已哉。觀其以智照三昧區。分派別。振發大義。於詆闢之間。無施不可。雖生遠筆削。復

何以加。或謂論非見諦菩薩。莫能爲之。安知寂音果非見諦者耶。愚取其文。列於經右。猶昔人以季長者之論。合諸華嚴。間有闕遺。輒事補緝。庶幾栖神斯文者。了然無惑。直證真常。餘則具於本序云。

嘉泰癸亥上元日沙

門正受
謹書

首楞嚴經溫陵要解序 像季已還。道術既裂。裂明心之士。妄認緣塵。爲物所轉。義學之徒。虛驕多聞。不全道力。奇才茂器。皆流爲蒸砂迷客。說食飢夫。首楞嚴王。懸知其然。誕敷祕典。力救倒妄。陶汰啟迪。諄諄之慈。靡所不至。而末世初機。罕能究盡。溫陵環師。一生

掩關與世異好獨陪黃卷聖賢冥搜博訪藉其筌筏以探如來藏游徧知海而造乎一切畢竟之地思與同志共因爲是解昔月蓋比丘嘗問藥王如來法供養義藥王告言諸佛所說難信深經清淨無染能令衆生成無上覺離諸魔事若於是經方便解說依義不依語依智不依識依了義不依不了義依法不依人直使無明生死畢竟滅盡而無滅盡相是名最上法之供養月蓋蒙教通達妙道得無礙辨卽於藥王所轉法輪隨順分布化百萬億人於無上覺立不退轉環師旣達妙道仰瞻月蓋於釋迦如來所轉法輪

最初華嚴最後法華及此楞嚴無上寶印皆以方便健相分別迴脫語言離心意識唯義所在曾不依人覺告見病廓無纖翳於清淨經能不染汙我願以此流布無窮其所化人何啻億萬直如一燈然百千燈使冥者皆明而明終不盡故述序引翼贊流通於塵墨劫作法供養

建炎改元吉州前任福州上生禪院嗣祖沙門及南嶽

首楞

嚴經乃釋迦如來之骨髓也唐神龍初方流東震訓釋者數家唯長水子璿師疏及蘇臺元約師鈔盛行於世文義浩博學者泛其波瀾並昧元本溫陵寶勝戒環禪師少達妙理深悟大乘而首楞嚴尤得意乃

爲要解。鈞深索隱。續斷截繁。錯節盤根。恢恢遊刃。言約義豐。詞暢理詣。披文見經。如指諸掌。嗚呼。誰無是佛。誰無是經。鬪沒額珠。醉迷衣寶。苟能依要解。以明經洞真經。而見性。則妙湛總持王。首楞嚴萬行。不從人得也。乃知寶勝之切老婆心。泗州之飾畫蛇足。不徒然矣。建炎已酉中秋日。在湖山萬安比丘行儀謹跋。

中峰和尚徵心辯見見或問引語 玄樞密運。巨剎土而無法。不周靈鑑。高懸統沙界。而有形莫隱。有形莫隱之謂見。無法不周之謂心。曾無外見之心。寧有離心之見。類純金之鑄像。猶湛水之興波。舍像無以

見其金。全金是像。撥波何以求其水。卽水生波。各雖異而似差。體常一而無別。是以世尊據玄樞之正體。設問多端。阿難昧靈鑑之真光。指歸七處。徵七處於二千年外。阿難獨未曾迷拈一花於百萬衆前。迦葉何嘗解悟。裂開一味平等之體。演出萬般差別之名。教海斯彰。兎角杖挑潭底月。禪關斯啟。龜毛繩縛樹頭風。走殺天下叅禪人。惑倒世間求佛者。蓋爲當時鹵莽。虛延幻影浮光。今日思惟。觸著銀山鐵壁。客有以徵辨之疑見。請余故引問答之義相疇。不過借彼杖繩。謾爾控佗風月。英靈上土。獲真心於形名未兆。

之先俊邁衲僧具妙見於言象不該之表。詎肯按圖索馬。指跡云牛。掃空生佛之狂言。蕩盡妄真之魔說。爾如加誚。我何敢辭。

首楞嚴經會解序 首楞嚴經者。諸佛之慧命。衆生之達道。教網之宏綱。禪門之要關也。世尊成道已來。五時設化。無非爲一大事因緣。求其總攝化機。直指心體。發宣真勝義性。簡定真實圓通。使人轉物同如。來彈指超無學者。無尚楞嚴矣。釋其名。則一切事究竟堅固。徹法底源。無動無壞。而如來密因。菩薩萬行。靡不資始乎此。歸極乎此。考其所詮。則談圓理以明。

真性開圓行。以示真修。其性也。體用雙彰。其修也。因果一契。原始要終。了義之說也。良由諸修行人。背真向妄。不成無上菩提。或愛念小乘。得少爲足。或欲漏不除。畜聞成過。故阿難以多聞邪洙爲緣。浚發大教。而世尊首告之曰。一切衆生生死相續。皆由不知常在真心。性淨明體。用諸妄想。此想不真。故有輪轉。又曰。有三摩提。名大佛頂首楞嚴王。具足萬行。十方如來一門。超出妙莊嚴路。斯一經理行之大本也。由是破七處攀緣。別二種根本。因見顯心。因心顯見。雖心見手顯。而正顯在心。如以盲人矚暗。喻見非眼。屈指

飛光驗見不動。印觀河之非變。比垂手之無遺。辯於
八還。擇於諸物。非舒非縮。無是無非。使悟圓淨真心。
妄爲色空。及聞見耳。既悟妄爲尚疑混濫。故又破自
然因緣。示見見之非見。合別業同分。指見妄之所生。
且以一人例多人。以一國例諸國。總顯器界根身。同
一妄耳。自淺而深。自狹而廣。雖多方顯妄。而所顯唯
真。故又舉陰入處界。廣及七大。融入於如來藏性。使
悟物我同根。是非一體。妄無自性。全體卽真。凡十界
依正之相。皆循業發現而已。既悟卽真。尚迷循發。故
又答山河大地之難。深寤生起之由。譬虛空不拒諸

相發揮。顯真妙覺。明圓照法界。一多互應。小大相容。
卽體卽用。非俗非真。至於離卽離非。是卽非卽。則藏
心妙性。不涉名言矣。復引照鏡狂走。喻妄無因。結責
多聞勸修。無漏通而言之。皆圓理也。理解雖圓。非行
莫證。故又明二決定義。初審因地發心。伏斷無明。爲
修行之要。次審煩惱根本。意擇圓根。爲發行之由。於
是定六根優劣。令一門深入。擊鐘驗常。結巾示結。陳
二十五聖所證法門。敕選耳根爲初心方便。而又教
以攝心軌。則安立道場。遂聞四重律儀。頂光神呪。通
而言之。皆圓行也。乃至由三增進。成就五十五位真

菩提路雖談證位未盡行因下而戒業習於七趣情
想防禪定於五陰魔邪無非行門之事必期於圓滿
菩提歸無所得始得名爲究竟堅固之證也然則依
究竟堅固之理立究竟堅固之行修究竟堅固之行
證究竟堅固之理楞嚴教旨大抵如是是知教行理
三悉號楞嚴了義之說莫此加矣科經者合理行爲
正宗離正宗爲五分一見道二修道三證果四結經
五助道謂見道而後修道修道而後證果此常途之
序固爾究論上根修證如發明藏性之後謂不歷僧
祇獲法身請入華屋之前謂疑惑銷除心悟實相之

類又豈局於常哉是經無教不收無機不攝或言偏
意圓或名同體異自唐而宋解者凡十餘家始余見
長水璿孤山圓泐潭月溫陵環之說又閱吳興岳集
解并得興福慙資中沈真際節樵李敏諸師意本大
同見各小異行者泣岐莫辯良導余乃會諸家要解
以通大途若合殊流同歸於海故謂之會解噫道本
無言非言不顯佛不得已而有言而諸師與今會解
又豈容自己哉覽者因會解以知人言因人言以知
佛言佛言知矣究竟堅固者得矣曰行曰理曰教曰
禪曰慧命曰達道皆刺語矣況所謂解與會哉

至正二年

壬午佛成道日廬陵沙門惟則述于姑蘇城中之師子林

勸持叙首楞嚴王

具足萬行總持三昧熏修奢摩他路開示衆生妙在一門超出由慶喜恨多聞而未全道力故迦文因妄見而直指人心七處之徵寶鏡磨塵而本明自現八還之辯金錕刮膜而幻影隨銷斥攀緣則心不是心示真覺則見猶離見既顯真而破妄仍卽妄以談真窮陰入處界而列爲四科因緣自然二俱排擯會地水火風而通名七大真俗中道三諦圓融本如來藏而含吐十虛隨衆生心而發揮諸相乃至一多相卽小大千容現寶刹於毛端轉法輪於塵裏得無罣礙

者倒想銷於億劫不隨分別者狂心歇卽菩提圓頓機已解密因中下器須陳妙行於是開遠客還家之路指天王賜屋之門詰諸聖之本因依證悟說最初方便順此方之教體選音聞爲第一圓通次爲攝心乃重施戒依先世尊舉揚清淨明誨現化身佛宣演祕密伽陀三學圓具所證非偏諸妄銷亡不真何待況復精研七趣隨業受生痛喻六交因習招報示五十重禪那之境深防愛見魔邪具八萬種解脫之機對治塵勞煩惱保持覆護囑勸弘宣在始在終無非修證了義或破或立不離常住真心琴瑟笙侯旣逢

妙指林木池沼皆演法音。令諸闡提隳彌戾車。從三
摩地得無生忍。或自分真而安立聖位。或從乎用而
超至後心。坐大道場。登無上覺。一切事究竟堅固。廣
開菩薩多方便門。十方界任運縱橫。同人如來妙莊
嚴海。其教至矣。厥功懋哉。愧余之謬。妄擬會通樂法
之深重。加讚勸幸。諸方之學者。試一披而覽焉。師子
林惟

則再
拜述

琦楚石書楞嚴經云。覺性妙明。且古今而不變。本覺
明妙。在迷悟而皆如。假喻虛空而不空。發揮羣相而
非相。超乎聞見。異彼因緣。交光相羅。彌滿清淨。十方

諸佛同宣了義之玄音。一切衆生。咸具圓通之正體。
只爲客塵擾擾。豈知日用昭昭。耳目所拘。孰解騎聲
蓋色。根塵未脫。安能息慮忘緣。墮情想之樊籠。感昇
沈之業報。譬如青目。暈此明燈。宛若漚花。發於巨海。
外列山河世界。中分鬼畜人天。本因織妄而成。莫匪
瞪勞而現。四三宛轉。十二輪環。生死死生。有無無有。
直下斷除愛欲。還他調御丈夫。自今疾至菩提。教我
多聞弟子。超越五蘊區宇。廓清十種禪那。如能宣此
呪心。乃可制諸外道。利人利己。世出世間。證不動尊
成無上覺。

宋濂跋戒環師首楞嚴經解後云。首楞嚴經。其立題凡三。其本旨則五。以人法爲名。常任真心爲體。圓通妙定爲宗。返妄歸真爲用。上妙醍醐爲教。大槩欲使衆生開圓解。立圓行。登圓位。證圓果而已。若稽其何時所說。其在法華開權顯實之後。涅槃扶律談常之前乎。蓋波斯琉璃之異代。持地耶輸之所證。左右叅驗。誠足取信。長水瘡孤山圓長慶巘泐潭月諸師。號爲科判名家。未有易斯說者。予在虎林。見五臺沙門善攝解本。獨判楞嚴在般若之後。法華之前。心雖奇其說。而頗意其爲一家之私言。今觀溫陵戒環師所

論。正與善攝同。其謂阿難旣於法華諸漏已盡。不應於楞嚴未盡諸漏。而經中言最後垂範實楞嚴法會之最。後非臨滅之最。後尤發善攝之所未發。予竊自歎玄理之在人心。雖南北之殊。風土頓異。而其不隨物以變遷者。未嘗不同。惜予儒家者流。弗悟律相分別之理。無以知其孰淺而孰深也。謹用識其立題本旨。及異同之說於卷末。具金剛觀察智者。當能有以決之。

首楞嚴經通議自叙 叙曰。從前釋經者。凡解當經。必尅指何時判屬何教。獨此經前後解者。各據所見。

指時判教評論不決。余觀經結名云。亦名灌頂章句。諸薩萬行首楞嚴別題云。一名中印度那爛陀大道場經。於灌頂部錄出別行。灌頂部乃我中央毗盧遮那佛所說之法。毗盧乃法身佛。從法垂報。名盧舍那。坐菩提場。演大華嚴。謂之根本法輪。但被一類大根衆生。而小根之者。如盲如聾。故我舍那世尊。入利那際三昧。現應化身。示生三界。名釋迦牟尼。成道說法。入大涅槃。始終不出。利那際三昧。所說一大藏教。名攝末歸本法輪。亦名引攝教。爲引五性三乘攝歸華嚴妙莊嚴海。所謂一路涅槃門也。今觀此經。該五

時。貫五教。首從大權發起。示墮淫室。正阿含之時也。徵心則破執心常見。觀河則破斷見。乃阿含之教也。辯妄見以顯真見。破見精以顯本覺。義與深密同時。方等教義也。五蘊三科。會歸藏性。根塵識界。一一本空。般若教義也。本如來藏妙真如性。法法全真。會歸實相。法華終義也。又歷乎真空實相兩時之間矣。七大周徧。性真圓融。四卷中一爲無量。乃至轉大法輪等。乎顯華嚴理事無礙。事事無礙法界。正是妙莊嚴海。究竟歸寧之地。三身一體。至是乃顯。釋迦出本懷。化度羣生。必引攝至此而後已。是故此經所詮理

趣始從阿含。終至涅槃。尚係化佛所說之法。而圓融法界。圓歸華嚴。乃報佛所說。豈可定一時一教哉。就法界海慧照之四十九年說法。劫念齊收。不出刹那際三昧。若就應化門頭。一代時教。各對當機。三根普收。行布亦異。結集者推報化二佛所說。從本垂末。攝末歸本。二種法輪。總於一代時教中。拈出灌頂一部。此經既判入灌頂。不應定收何時。何教誠無疑也。經入此土。箋解弘多。近代緇白。各出手眼。綜諸理觀。未見會通。使學人有摸象之歎。余居五臺水雪中。參究向上。以此經印證。堅凝正心。以照矚之。豁然有得。及

至東海。枯坐三年。一夕偶閱此經。於海湛空澄。雪月交光之際。身心世界。當下平沉。恍然大悟。如空華影落。秉燭述懸鏡一卷。依一心三觀融會。一經於文則略。如華嚴法界之作。得意而言可忘也。投荒瘴海。二十餘年。萬曆甲寅。歸老南嶽。門人超逸。請益懸鏡。觸發先心。遂放筆成帙。廣發一心三觀之旨。題曰通議。取莊周議而不辯之意也。先德有言。依經解義。三世佛寃離經一字。卽同魔說。有能具金剛正眼。於此文句中。融入觀心。則知余之懸鏡一章。不欠一字。通議十軸。不剩一字。其他一時一教科判。迢然又是畫蛇

添足矣

萬曆丁巳端陽日愍山道人德清書于吳門之貝葉齋 大師懸鏡通議各自製序文流

通已久蒙竊謂通議經首懸談乃大師特標灌頂章句爲一經判教之綱宗而序中未及舉揚謹撮略其大意和會二序合爲一篇俾大師制作之指要學者開卷一覽便自了然 天師寂光土中當爲開顏印可不深咎其僭踰也 謙益拜手謹識

首楞嚴經白文序 是經譯梵以來疏解者十餘家

唯天如會解學者翕然宗之以爲是足盡楞嚴矣不知此天如之楞嚴非如來所說之楞嚴也達觀可禪師徃徃拈楞嚴妙旨示人明白直截一掃支離余問師從何處得來師笑不言又問求通楞嚴當作何方便師曰勿觀諸家之說但將十卷經文熟讀自有入

處語云誦之萬遍其義自見況文字般若皆從世尊大悲心中流出我等衆生過去世時或聞此經題及一字一句妙義種子藏八識田中機感合熏自力俱不可思議信無有逾於熟讀者善男子等信受是經當生難遭想生尊重想千徧萬徧以熟爲期以悟爲則庶幾上不負佛恩而下不孤達觀師方便開示之意余益有深望焉

萬曆甲申長至後四日翰林院編修馮夢禎謹序 一雨潤師傳示雪浪看經法曰楞嚴一經文雖十軸實大藏之都序也有志教法者不可不先讀又不可不熟讀熟則心口齒間隱隱隆隆自有入路不必借人頰頰捨人唾餘若果先明經義回視諸家注疏涇渭立見否則爲註疏覆心經義反晦矣 私謂二師示看經法如出一揆蓋當會解盛行之後義學糾纏應

佛頂戶銘卷二
有此應病之藥。學人執此方便。認爲普施之法。則又因藥致病。六祖開示法達之語。宜熟察之。

楞嚴纂註序 余讀楞嚴詢經中如是世界因動有聲。因聲有色。義幻居界上人答曰。動爲業本。一切諸法。本自寂滅。一念心動。六亂橫生。其言因動有聲。因聲有色。謂一涉於有。則法法皆有耳。予洒然異之。越十有七年。攜所輯纂註示予曰。曩予言因動因聲之義。實囊括全經矣。夫因動有聲。顛倒衆生。因之流轉也。入流亡所。觀音大士以之圓通也。衆生不覺一念妄動。由塵發知。妄見於心。因根起相。妄見於相。由是而七趣昏擾。沒溺長夜。動也。若達相見無性。猶若交

蘆。由是而動靜二相了然不生。空所空滅。寂滅現前。亡也。動則見空見色。故曰迷妄有虛空。依空立世界。亡則空色皆真。故曰一人發真歸元。十方虛空悉皆銷殞。七徵之所破者。破此動也。八還之不可還者。還此亡也。動則聽不越聲。視不踰色。亡則陰入處界。莫非妙圓。地水火風。不相陵滅。二十五聖之所證。五十五位之所詣。皆盡此動。竟此亡耳。故曰入於如來妙莊嚴海。圓滿菩提。歸無所得。予曰。歸無所得。又何以見。何以修。何以證也。曰。動則有苦。非見無所得。修無所得。證無所得。無以息苦也。雖在十地。猶有學佛煩

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

惱。況具縛哉。予聞之。若暘者之得冷風也。上人命余卒讀其書。或有參定。予笑曰。子既已示我矣。見後。而復欲試其猛力。不亦過計乎。予益卒未嘗展卷。述斯語而歸之。萬曆甲午十月晦日那羅延窟學人虞山瞿汝稷榮談撰

首楞嚴經疏解蒙鈔卷末五錄卷二

海印弟子蒙叟錢謙益集

佛頂枝錄第三

序曰。灌頂密部。月邦祕籍。佛隴遙禮。極量重譯。後五百年。信奉流通。月光未出。海墨何窮。哀為枝錄。拈拾土苴。勿哂庫刀。或解王馬。輯佛頂枝錄。

- 一傳譯
- 二證本
- 三藏教
- 四弘法
- 五義解
- 六悟解
- 七隨喜

傳譯第一

續古今譯經圖記開元庚午沙門智昇撰云。沙門般刺蜜帝。唐

佛頂枝錄卷三

云極量中印度人也。懷道觀方，隨緣濟度，展轉遊化，
達我支那。印度國俗呼廣府爲支那，各帝京爲摩訶支那。乃於廣州制旨道
場，居止衆知博達，祈請亦多，利物爲心，敷斯祕蹟。以
神龍元年，龍集乙巳五月己卯朔二十三日辛丑，遂
於灌頂部中誦出一品名大佛頂如來密因修證了
義諸菩薩萬行首楞嚴經一部十卷。烏菟國沙門彌
伽釋迦譯語菩薩戒弟子前正議大夫同中書門下
平章事清河房融筆受，循州羅浮山南樓寺沙門懷
迪證譯。其僧傳經事畢，汎舶西歸。有因南使流通於
此。○贊寧宋高僧傳第一譯經篇廣州制止寺極量

傳。全依此文。末云量翻傳事畢，會本國怒其擅出經
本，遣人追攝，汎舶西歸。後因南使人入京，經遂流布。有
惟慤法師資中沈公，各著疏解之。○釋氏稽古略云，
神龍元年，天竺般刺蜜帝於廣州制止道場居止。於
灌頂部中誦出一品名首楞嚴經，彌伽樂法譯成。一
部十卷，宰相房融筆受，融時貶於高州，因得以寫於
譯所。沙門懷迪證譯，傳經事畢，朝廷責以私譯，蜜帝
遂泛舶攜梵夾以歸。○佛祖通載云，密諦資楞嚴梵
夾至，刺史請就制止道場宣譯。

贊寧論譯經云，陳壽國志述臨兒國云，浮屠所載

佛頂樓鑰卷三
與中國老子經而相出入是知若用外書須招此
謗童壽譯法華可謂折中有天然西域之語趣矣
今觀房融潤文於楞嚴僧肇徵引而造論當此謂
焉然則糅書不如無書與其典也寧俗儻深溺俗
厥過不輕折中適時自存法語斯謂得譯經之旨
矣○蘇子瞻書大鑒禪師碑後云釋迦以文教其
譯於中國必託於儒之能言者然後傳遠故大乘
諸經至楞嚴則委曲詳盡勝妙獨出者以房融筆
授故也○蒙謂聲論宣明婆娑教體大化東流彌
文日盛房公雄文潤色冥契佛旨正欲不離文字

攝化此方妙義流傳機緣熏習慧業者得意於筌
筌小根者涂神於點墨寧公諳其多用外書濫招
儒雅斯則任相之談非被機之論也昔者謝康樂
以曩無識所翻大涅槃經語小小朴實不甚流靡
品數疎簡初學者難以厝懷乃與沙門二慧共爲
潤色義理昭暢質文相宣歷代寶之盛行於天下
如寧公之云則涅槃之改治寧不犯糅書之謂與
唐之道士稱僧肇著論盛引老莊英師謂佛教初
開深文尚壅老談玄理微附佛言肇論所傳引爲
連類豈以喻詞而成通極寧公豈不見此論而妄

佛下標卷三
三
詆肇公也。談潤文者，考證於英師，當以子瞻之言爲正。○今按房公潤文之妙，就世間文字，約略言之，有章法鋪舒之妙，始自七徵八還，後及七趣五魔，一經首尾，禪疊鈎鎖，如一章一段，是也有文法映照之妙，如琉璃舉喻，一經四見，增進之二，曰譬，如琉璃內縣明月，任位之二，曰如淨琉璃內現精，金識陰盡處，曰如吠琉璃內外明徹，圓明精，心如淨琉璃內含寶月，法喻層累次第，歷然，又如旅亭主客，初喻客塵，次明法性，月輪標指，初標一月，二月，次標非體非影，責認迷中，則云浮漚大海，自

知開悟，則云巨海浮漚，是也有句法攢簇之妙，如云迷中倍人，如云日劫相倍，累言未該，束歸四字，如云出指非指，如云於橫陳時，冶鑄外書，銷歸佛語，是也有字法點綴之妙，如標海潮音，則結以全潮瀛渤，標無上法王，則躡以文殊師利法王子，七大文中，點七不知，自全至元，淺深歷別，四大文中，點六受用，自粘之奔，根塵映望，諸餘瑣言，隻字無不玲瓏漏穿，是也。十軸之文，橫豎開闔，正如彌勒樓閣，彈指開現，四科七大，因緣自然，重重立量，節節推簡，用以楷定四性，破除四見，能使欲言詞喪

佛頂樓鑰卷三
欲慮智窮東坡稱其勝妙可謂心眼如月寧公嗤其糝文尚是捫燭爲日耳未能更僕聊舉一隅諸有智人臨文自了

附雜記二條○楞嚴通議云此經五天寶重禁不出境服刺三藏欲流東震屢竊被獲以微妙細瓊書之破臂藏於膊內潛達廣州○圓通疏云密帝割膊藏經漬血堅紙房相夫人以水漬之方得開展或云融女以水乳和而浸之。二事流俗盛傳諸書互載未詳所據續俟根簡。

智昇開元釋教錄第九云楞嚴經十卷右一部十卷其本見在○沙門釋懷迪循州人也任本州羅浮山南樓寺其山乃仙聖遊居之處贊寧譯經篇傳云其山半在海涯半連陸也南樓寺亦云石樓迪久習經論多所該博九流

七略麤亦討尋但以居近海隅數有梵僧遊止以海地津濟之前數有梵僧寓止於此迪就學書語復皆通悉往者三藏

菩提流志釋寶積經遠召迪來以充證義所爲事畢還歸故鄉後因遊廣府遇一梵僧未得其名賚梵經一夾

多羅葉經一夾請共譯之勒成十卷卽大佛頂萬行首楞嚴經是也迪筆受經旨兼緝綴文理其梵僧傳經事畢

莫知所之有因南使流經至今○傳云後因南使附經入京卽開元中也

昇公圖記目錄記載于異僧傳經疏傳疑未決蒙詳爲辨證其在十門通釋第八傳譯篇中

證本第二

經律異相云佛告阿難我泥洹後法欲滅時五濁惡世魔道興盛眼見沙門視如糞土無有信心法輪殞沒菩薩比丘衆魔驅逐不預衆會菩薩入山福德之處淡泊自守月光出世得相遭值南岳誓願文未法過九千八百年後眞丹國說法共興吾道五十二歲首楞嚴經般舟三昧先滅化去一切十二部經尋復化滅不見文字聖王去後吾法滅盡如是久後彌勒當下世間作佛出法滅盡經○法顯佛國記云耆闍崛山未至頭三里有石窟南向佛本於此坐禪西北三十步復有一石窟阿難於中坐禪天魔化作鵬鷺任窟前恐阿難佛以

神足力隔石舒手摩阿難肩怖即得止身跡手孔今悉存故曰靈鷲窟山窟前有四佛坐處佛說法堂已毀止有塼壁基在法顯於新城中買香花油燈送上耆闍窟山花香供養然燈續明慨然悲傷收淚而言佛昔於此住說首楞嚴法顯生不值佛但見遺跡處所而已即於石窟前誦首楞嚴住止一宿

晉於潛董吉恒齋戒誦首楞嚴經村中有病輒請吉誦經所救多愈同縣何晃卒得山毒之病驟往救之山水瀑漲不復可涉必欲赴期便脫衣以囊經戴置頭上逕入水中水正著膝既得上岸失囊經甚惋恨

進至晃家三禮懺悔流涕自責俛仰之間見經囊在高座上吉悲喜取看浥浥如有溼氣開囊視經尚燥如故於是村人一時奉法吉所居西北一山高峻中多妖魅犯害居民吉以經戒之力欲伐降之於山際手伐林木構造小屋安設高座轉首楞嚴經百餘日寂然無聞民害稍止後山中鬼數人至吉所請作界分當殺木爲斷不見侵尅經一宿前所芟地四際之外樹皆燒死○晉山陰謝敷隱於東山篤信大手法寫首楞嚴經當在都白馬寺中爲災火所延什物餘經並成煨燼此經止燒紙頭界外而已文物悉存無

所毀失

法苑珠林二驗
出王愔冥祥記

長安釋帛遠字法祖常註首楞嚴經晉惠之末爲張輔所害後少時有一人姓李名通死而復蘇云見祖法師在閻羅王處爲王講首楞嚴經云講竟應往切利天慧皎高僧傳

後梁法聰任襄陽景空寺禪堂白鹿白雀馴伏栖止行住所及慈救爲先忽遇屠者驅猪百餘頭聰三告曰解脫首楞嚴猪遂繩解散去諸屠大怒將事加手並乞然不動便歸過悔罪因斷殺業道宣續高僧傳習禪篇感通篇

和闐黎亦同

佛頂經卷之三
張無盡辨教篇云。天台智者大師稟禪要於南岳。立藏通別圓四教。開摩訶止觀法門。首楞嚴三昧經。卽別教也。經略曰。佛告堅意菩薩。云何以一念行於三昧。答曰。是菩薩一切悉捨。心無貪著。名檀心。善寂滅。畢竟無惡。名尸。知法盡相。於諸塵中而無所傷。名羸提。勤觀釋心。能知離相。名毗黎耶。畢竟善寂。調伏其心。名禪那。知心無心。通達心相。名般若。又曰。云何當學是三昧耶。佛言。譬如學射。先射大準。次射小準。次射的。次射錢。次射杖。次射毛。次射毛百分之一。如是射成。聞聲皆中。習三昧者。亦復如是。先學愛樂。次學

深心。大悲。次之。四無量。次之。五神通。次之。成就六波羅蜜。卽能成就第三地。觀堅意問。現意天子。當修何法。得是三昧。天子答。若見凡法。不合不散。是名修楞嚴三昧。又問。佛法有合散耶。天子曰。凡法尚無合散。況佛法耶。若見凡法。佛法不二。是名修習此經。自什法師翻譯。南岳師弟傳授。經歷南北。隋唐房融始於廣州。復今經本。余以二經。叅詳。雖同歸止觀。而教意不同。元和中。東蜀僧神清著北山錄。譏異說云。禪莫極乎吾師。其禪曰。首楞嚴。自迦葉至達磨。與吾師。心心相付。餘宗不吾若也。北山所指。卽什譯者。西蜀惠

寶以融本註之誤矣。

蒙考隋僧法經衆經目錄首楞嚴經二卷。自後漢中平年至後秦。凡九譯。皆同本異譯。有勇伏定經。又有新首楞嚴經。蜀首楞嚴經。及後出雜出之目。皆卽弘始中鳩摩羅什所譯首楞嚴三昧經。支敏度有合首楞嚴三昧經記。帛遠有首楞嚴經註解。開元釋教錄於首楞嚴三昧經下標云。或直云首楞嚴經。是也。法苑珠林引王淡冥祥記。一驗。皆在東晉之世。法顯佛國記。耆闍崛山石窟。佛於此住。說首楞嚴。首楞嚴三昧經。首云。一時佛在王舍城。

耆闍崛山中。是知晉宋間持誦。皆是首楞嚴三昧經。王舍城耆闍崛山所說。非舍衛國祇桓精舍所說之首楞嚴也。近代虞淳熙云。法顯誦之於宋。法聰持之於梁。而智者不得見之於隋。彼此隱顯傳經不定。此失考之過也。○今經題一十九字。是極量於灌頂部中誦出。準懷迪傳。或云大佛頂萬行首楞嚴經。從省。或去萬行二字。其單標首楞嚴經者。卽今大藏秦鳩摩羅什所譯首楞嚴三昧經也。依今藏本目錄。秦譯標首楞嚴三昧經。唐譯標首楞嚴經。本旣各殊。文無相濫。不須以古譯爲嫌。或

佛頂心經卷三
九
可依圭峰圓覺疏鈔別標爲佛頂經張無盡不依唐譯改題爲清淨海眼經輒云房融不見古本今依梵本改正房筆受竺文何云未見古本張所據梵夾豈是極量重來無稽之言良所不取○又案無盡改題畧云清淨海眼經具云大佛頂神呪無上寶印十方如來清淨海眼經人謂新舊二經是越僧慧印標目無盡有付百丈山丐者流通海眼經偈云歸命新經願力深決知一字直千金驀然豆子灰中爆莫笑先生錯用心故知新舊二經無盡自標而惠印因之也道安法師云阿難出經去

佛未久大迦葉令五百六通迭察迭書今雖千年而以近意裁量彼阿羅漢乃兢兢若此此生死人而平平若此豈將不知法者勇乎禪人無眼響附妙喜妄謂面決金顏位偕親證無盡亦自言焚香佛前剖露志願荷契聖心丐無魔事昔者慧嚴思改涅槃黑神責數三藏志刪般若惡夢譴訶毀謗大乘佛有金科吾爲此懼不知其可

藏教第三

按隋經師小乘修多羅藏錄有捨頭諫經一卷摩登伽經二卷摩登女經一卷摩登女解形中六事

佛頂經卷三
經一卷並是摩登伽經別本重出。今按本經第四
佛告阿難且汝宿世與摩登伽歷劫因緣。恩愛
習氣非止一生。及與一劫。則諸小乘經所載慶喜
摩登宿世因緣。世尊於楞嚴會上。金口證明。未可
以爲人天小教。槩從鐫削也。今通會諸經節而錄
之亦證本之餘耳。

經律異相引戒因緣經第三及摩登伽女經云阿難行
路中道焦渴。摩登伽經度性女品云阿難乞食分衛
已訖還祇洹林。于其路次池側有女旃
陀羅種。執持瓶器。始來取
水。阿難渴乏。從女乞水。有旃陀羅女名鉢吉蹄。汲
水。阿難請從乞水。女曰。君母種成就。沙門瞿曇第一

弟子。波斯匿王所敬。末利夫人阿闍黎。我是下賤不

敢持水相與。阿難言。我不問是。但水見與。女言大德

身是旃陀羅女。若相施者。恐非所宜。阿難言。我無所吝。
姊我名沙門。其心平等。豪富下劣。觀無異相。女許時

女先掬水澆阿難足。復掬水澆阿難手。便生姪意。即

以淨水授與阿難。便取阿難容。貌音聲等相。深作是
念。言我母善呪。或能令彼來爲吾夫。持水還家。具宣

女歸告母。母各摩鄧。阿難飲已。便去。鉢吉蹄還白父

母言。阿母。願以沙門阿難爲婿。母言。其轉輪王子。刹

利釋種聖師貴族。天人宗奉。我小家種。云何得爲夫

女。言不得者。會當飲毒。以刀自刺。若自絞死。母曰。有

摩登伽神語符呪。能移日月。以墮著地。亦能呪因帝

梵天使下。況不能得沙門阿難使來。呪時作是言曰。闍婆。天神地神聞我是。若天若魔若乾。

呪宜應急令阿難至此。若已死若生不能淫若瞿曇。

所護者我不能得。除此皆可得耳。母言有二種人。雖

一者斷欲。二是死人。女便起澡浴。莊嚴身體。著白服。

自餘之者我能調伏。餘敷諸臥具。遙相相望。母以牛屎塗地。以五色線結

縷盛滿四瓶。水盛滿四椀。麩漿以四口大。刀豎牛屎

四角。頭四箭。然八明燈。取四死人髑髏。種種香塗其

上。以華布地。捉熨斗燒香繞三市。向東方。跪而誦摩

鄧伽呪術。時阿難在祇洹林。意便恍惚。為呪所轉。如

魚象被鈎。隨呪術至旃陀羅家。于自舍內牛糞塗地。布以白茅。然大猛火。

百有八枚。鈔過迎花。誦呪一周。以一莖投火中。阿難心卽迷亂。便行往詣旃陀羅舍。母便語女

阿難。以至時。女前抱阿難。坐著床上。牽掣衣裳。捻控

阿難。譬如力人。手捉長毛小羊。從力人手。阿難見十

方盡闇冥。譬如日月。為羅祜所馱。阿難有大人力。當

十大力士力。而不能得動。阿難以聖諦道力。念還得

悟。我今困厄。世尊大慈。寧不愍我。彼女喜踊。莊飾堂。閻安置寶座。淨治。

灑掃。散眾名華。阿難悲哽。泣淚。我何薄祜。遇斯苦難。

大悲。世尊寧不垂愍。○摩鄧女經云。母知盡道。請阿難飯。母便閉門。以蠱法。縛阿難。至於晡時。阿難不就。

母令中庭地出火。牽阿難衣。汝不為我。女作夫。我擲汝火中。阿難自鄙。為佛作沙門。今反不能自出。佛卽知之。便誦佛語云。阿難

以此實義。於旃陀羅舍得解。性女品云。爾時如來。以淨天眼。觀見說呪擁護。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

阿難。以佛神力及善根力。旃誦偈通適。竟旃陀羅家。陀羅呪無所能為。即出其舍。誦偈通適。竟旃陀羅家。所設呪具。刀箭碎折。瓶破燈滅。鬪鬪迸碎。黑風起。展轉不相見。母便告女。此必瞿曇沙門神力所為。眾物碎散。呪術不行。阿難念言。世尊恩力也。阿難得解。如大象王。盛年六十。醉暴凶惡。身大牙長。從鐵幹得解。從城走到空閒處。阿難亦爾。世尊誦佛語。從旃陀舍得解。還向祇洹。時此女人逐阿難。至祇洹門。竝作是語。阿難是我夫。阿難是我夫。逐阿難後。不離須臾。阿難具以白佛。佛曰。我於諸法中。不見幻惑如此女人。以姪繫意。阿難平旦著衣持鉢。入舍衛城分衛。而此

女人亦逐其後。語諸長者。阿難是我夫。阿難是我夫。

女於夜過著新淨衣。首戴華鬘。金銀環珮。瓔珞其體。阿難晨朝入城乞食。隨阿難背後。視阿難足。視阿難面。阿難慙避。終不捨離。阿難還至佛所。又前白佛。佛曰。汝往共

語如姊妹相向。何以故。此女人應當作比丘尼。女白佛言。唯願世尊還我夫婿。佛曰。若須阿難者。於我法

中作比丘尼。當以相與。女人歡喜。佛告女人。汝欲得應出家學。其容飾答曰。唯然。願承尊教。佛言善來。便成沙門鬢髮自落。法衣在身。女還奉辭

父母歡喜。本植善根。各應得道。父母及女同往詣佛。

摩鄢女經云。佛問女云。汝追逐阿難。何等所繫。女云。阿難無婦。我又無夫。欲為作婦也。佛告女言。阿難無髮。汝今有髮。汝能剃髮。我使阿難為汝作夫。女言能剃。佛言。歸報汝母。剃髮竟來。母言。我生汝來。護汝頭

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

髮如何欲得沙門作婦。女云。我寧生死為阿世尊。廣難作婦。母曰。辱我種為下刀。剃頭還到佛所。世尊廣為說法。無數方便。現諸法義。柔軟義檀。義尸義說。姪不淨義。增長生諸結根。義出家義。諸道品義。又說四聖諦。時此女人即在座上。解四聖諦。性女品云。即為座上得羅漢道。父母得阿那含道。女得須陀洹道。譬如純白氈衣。易為染色。摩鄧女經云。佛言。汝愛阿難。難鼻愛阿難口。愛阿難耳。愛阿難手。愛阿難行步。佛言。眼中但有淚。鼻中但有涕。口中但有唾。手中有垢。身中但有屎。尿處不淨。其有夫婦者。便有惡露。惡露中便生兒子。已有兒子。便有死亡。便有哭泣。於是身中。有何所益。女即思念。便自正心。既得羅漢。佛知得道。即告女言。汝往阿難所。女即慙愧。低頭長跪。白言。女實愚癡。故逐阿難。今我心開。如冥中人。持杖。今佛與人乘船。船壞。依岸。如盲人得扶。如老人持杖。今佛與

我道。令我心開。如是。時父母歸佛。歸法。歸眾。佛聽為優婆塞。向佛告阿難。將二比丘尼。及此女人。鉢拓鉢提。瞿曇彌。所以此女人為道。授具足戒。大愛道。問阿難。云何阿難。世尊許旃陀羅為道耶。阿難言。瞿曇彌然。即與剃髮受戒。得阿羅漢。○度性女品。佛為諸比丘。及波斯匿。守說本性比丘尼。往昔因緣。乃過去阿僧祇劫。有旃陀羅摩登種。名帝勝伽。有子名師子耳。有婆羅門名蓮花實。女名本性蓮花實。聞帝勝伽說法。遂以其女妻摩登伽之子。時摩登伽。我身是也。蓮花實者。舍

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

佛頂法錄卷三

利弗是師子耳者。阿難是也。爾時女者。今性比丘。是以於往昔日。曾為夫妻。愛心未息。今故隨逐。摩鄢女經云。佛告諸比丘。是摩鄢女。先世時五百世為阿難作婦。常相愛敬。故於我法中得道。於今夫妻相見。如兄弟。如弟。淨覺。名為本性。出摩登伽經。據彼經。女之母。摩鄢耳。○孤山云。慈公疏云。若據登伽經。但是世尊自說。一呪解彼姪術。且非文殊提獎而歸。及聞說法。亦得阿羅漢。然則兩經並由聞經方證。四果。但是大小機見不同。然約實行。則機熟得道之時。由阿難。率以欲鈞。故使後入佛智。若使大權。則同阿難發。起。斯教。亦證羅漢。答彼經。明小。故屬于大。此經說圓。何妨證小。機既不同。故無妨也。○萬益云。大小兩機。並行不悖。一席異聞。條然各別。或時互知。各不定教。或互不知。即祕密教。此經佛頂放光。文殊將呪。是一類。大機所見。據摩鄢伽經。佛頂放光。文殊將呪。是一事。得證四果。次即具說宿劫。因緣。是一類。小機所見。夾掘。魔羅事。亦爾。皆一席異聞。之明證也。○姚少師

道餘錄載朱晦菴云。楞嚴經。只有阿難一事。及那燒牛糞。出一呪。餘底皆是文士添造。那燒牛糞。便如糞茅。樣後來有人。祈雨後。燒此燒牛糞。誦呪。是登伽母人。邪術。今却指斥佛頂。又云。楞嚴是房融所作。發口鄙穢。三家村夫子。所不道。而謂朱子。有是言乎。此中略述。藏教。不避瑣猥。亦以間執破法之口。為吾晦翁先生雪謗也。

弘法第四

首楞嚴三昧經云。爾時會中諸釋梵護世天王。皆作是念。我等今當為佛。如來。敷師子座。正法座。大人座。大莊嚴座。大轉法輪座。當令如來。於我此座。說首楞嚴三昧。須臾之間。於如來前。有八萬四千億那由他寶師子座。悉於眾會。無所妨礙。一一天子。不見餘座。

佛頂法錄卷三

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

各作是念我獨為佛敷師子座。餘人不能佛當於我所敷座上。說首楞嚴三昧。即時世尊現大神力。徧坐八萬四千億那由他師子座上。諸天各各見佛。坐其所敷座上。不見餘座。有一帝釋。語餘釋言。汝觀如來坐我座上。如是釋梵護世天王。各相謂言。汝觀如來。爾時如來還攝神力。諸佛及座。皆不復現。一切眾會。唯見一佛。佛告堅意菩薩。首楞嚴三昧。非初地。二地。乃至九地菩薩之所能知。唯有住在十地菩薩。乃能得是首楞嚴三昧。首楞嚴三昧。如是無量。悉能示佛。

一切神力。無量眾。生皆得饒益。

金剛三昧經云。菩薩所得功德。地法十地。

菩薩如十五日。月圓滿。可觀。明明具足。其心澹薄。安住不動。不沒不退。住首楞嚴三昧。觀佛三昧經云。佛當往。初利天。為母說法。持地菩薩。入首楞嚴定。從金剛際。作金剛華。花葉相次。四龍各持七寶。臺持地。為佛作三。道寶階。

○舍利弗白佛言。世尊。未曾有也。今說首

楞嚴三昧。而是惡魔不來。燒亂。佛告舍利弗。汝欲見魔衰惱事不。唯然欲見。爾時佛放眉間白毫。大人相光。一切眾會。皆見惡魔。被五繫縛。不能自解。佛告舍利弗。汝見惡魔。被五縛。不唯然已見。此惡魔者。為誰所縛。佛言。是首楞嚴三昧。威神之力。在所佛土。說首楞嚴三昧。其中諸魔。欲以惡心。作障礙者。首楞嚴三

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

昧及與諸佛威神力故其諸惡魔皆自見身被五繫縛舍利弗在所說首楞嚴三昧處若我現在若我滅後其中所有諸魔及餘人眾懷惡心者以首楞嚴三昧威神力故皆被五縛大經四依品四依驅逐魔云天魔波旬若更來者當以五繫繫縛於汝章安疏云繫有二種一者五屍繫二者繫五處五屍繫者如不淨觀治於愛魔五處如理治於見魔五屍表五種不淨觀五繫表五觀門○佛言諸菩薩得住十地一生補處受佛正位悉皆得是首楞嚴三昧名意菩薩及諸眾會見三千大千世界諸閻浮提其中皆是彌勒菩薩或見在天上或見在人間或見出家或見在家或見侍佛皆如阿難或見智慧第一如舍利弗乃至坐禪第一如離婆多如是一切諸第一中皆見彌勒名意菩薩及諸天眾皆見彌勒菩薩現首楞嚴三昧神通勢力即大歡喜○佛告摩訶迦葉過去無量阿僧祇劫於此世界南方過於千佛國土國名平等有佛號龍種上豈異人乎即文殊師利法王子是迦葉汝今且觀首楞嚴三昧勢力諸大菩薩以是力故示現入胎初生出家詣菩提樹坐於道場轉妙法輪入般涅槃分布舍利而亦不捨菩薩之法於般涅槃不畢竟滅涅槃四相品我已久住是大涅槃於此三千大千世界百億日月百億閻浮提種種示現如首楞嚴經中廣說

至坐禪第一如離婆多如是一切諸第一中皆見彌勒名意菩薩及諸天眾皆見彌勒菩薩現首楞嚴三昧神通勢力即大歡喜○佛告摩訶迦葉過去無量阿僧祇劫於此世界南方過於千佛國土國名平等有佛號龍種上豈異人乎即文殊師利法王子是迦葉汝今且觀首楞嚴三昧勢力諸大菩薩以是力故示現入胎初生出家詣菩提樹坐於道場轉妙法輪入般涅槃分布舍利而亦不捨菩薩之法於般涅槃不畢竟滅涅槃四相品我已久住是大涅槃於此三千大千世界百億日月百億閻浮提種種示現如首楞嚴經中廣說

佛頂林經卷三
文殊師利涅槃經云。文殊師利生於此國多羅聚落
梵德婆羅門家。於佛所出家學道。任首楞嚴三昧佛
涅槃後四百五十歲。當至雪山。爲五百仙人宣揚十
二經教化。令住不退已。至本生地。於空野宅尼拘樓
陀樹下。結跏趺坐。入首楞嚴三昧。身諸毛孔。出金色
光。徧照十方世界。度有緣者。若禮拜供養者。生生之
所。恒生佛家。若未得見。當誦持首楞嚴稱文殊師利
名。一日至七日。文殊必來至其人所。

觀佛三昧經云。過去久遠。有佛出世。號釋迦牟尼。滅
度之後。有一王子。名曰金幢。憍慢邪見。不信佛法。有
一比丘。名定自在。語王子言。可暫入塔觀佛形像。王
子入塔。見像相好。白比丘言。佛像端嚴。猶尚如此。况
佛真身。比丘告言。汝今見像不能禮者。應尚合掌稱
南無佛。王子即便合掌稱南無佛。還宮。繫念塔中。像
故。卽於後夜。夢見佛像。夢已歡喜。捨離邪見。歸依三
寶。由一入塔稱佛善根。命終得值九百萬億那由他
佛。於諸佛所。逮得甚深念佛三昧。得三昧故。諸佛現
前。爲其授記。從是已來。經於百萬阿僧祇劫。不墮惡
道。乃至今日。獲得甚深首楞嚴定。昔王子者。今賢首
菩薩是。以是因緣。智者應當如是念佛。

法華文句曰釋提桓因得首楞嚴三昧內證不同過
賢劫二千二十四劫作佛號無著世尊記云華嚴經
帝釋在第二地故知別圓兩教竝得首楞嚴定明矣
○謹按經言彼之天王卽是菩薩閻浮提王卽初地
四天王及忉利天王卽二三地仁王亦云十信菩薩
鐵輪王十住菩薩銅輪王十行菩薩銀輪王十向菩
薩金輪王鐵冠道人張中頌我

聖祖高皇帝曰非非想天纔出定其所以轉輪御世
總持三教弘開華嚴法界於閻浮提者豈偶然哉帝
釋得首楞嚴定受記作佛非非想天亦是寄位未敢

尅定其因地也歲在強圉作噩壯月臣謙益恭記於
弘法篇中

雙林善慧傅大士日常營作夜則行道見釋迦金粟
定光三如來放光襲其體大士乃曰我得首楞嚴定
梁頭陀隱法師云若能於深山曠野城邑聚落唱三
昧名首楞嚴法其利甚深能成衆行慧和法師從之
每至下講後輒於岐路間高唱是言不逞弟子或罵
辱毆捶怡然自若後依雙林大士並出傅大士傳

宗炳明佛論云今以神明之君遊浩然之世攜七聖
於具茨見神人於姑射一化之生復何足多談微言

所精安知非窮神億劫之表哉廣成之言曰至道之
精窈窈冥冥卽首楞嚴三昧矣得吾道者上爲皇下
爲王卽亦隨化升降爲飛行皇帝轉輪聖王之類也
失吾道者上見光下爲土亦生死於天人之界者矣

弘明集

南岳思大師云發菩提心立大誓願求無上道爲首

楞嚴遍歷齊國諸大禪師學摩訶行立誓願文

林間錄曰天台宗講徒曰智者大師聞西竺異比丘
言灌頂部有大佛頂首楞嚴經皆諸經所未聞之義
唯心法之大旨五天世主保護祕嚴智者聞之日夜

向西禮拜願蚤至此土續佛壽命然竟不及見今市

工販鬻徧天下學人有畢生不識者法輕則信種自

劣可嘆也僧文瑩清話曰楞嚴本在西域智者聞之

吾不得見之矣當有宰官身菩薩以文章翻譯此經

又數百年當有肉身比丘以吾教判此經歸中道

○晁說之明智碑論云仰唯智者之爲智也大矣哉

三觀單複之旨實著於圓覺十境乎發之論方見乎

楞嚴智者先言之於隋此經後譯之於唐雖欲不信

其可得乎所謂靈山親聞者此亦其躅與○洪覺範

尊頂論曰天台智者釋法華經不悉六根功德之義
停筆思之有梵僧謂曰唯首楞嚴著明此義可以證

佛頂經緣起

成不必釋也智者於是日夕西拜求見此經今智者
釋六根功德婉法之數未明者以未見三疊流變一

十百千之旨耳

天台山志云智者大師拜經石在
天台山華頂峰上是大師於此一十

八年遙望西竺拜首楞嚴經處今南岳天台寺左畔
亦有智者大師拜經臺遺址按大師拜經石應在華
頂南岳亦有遺址蓋後人倣而為之○今案台家引
梵僧懸記出宋僧瑩師清話非實錄也大師釋法華
經但言等莊嚴者眼根六千乃至顯其能盈能縮無
盈無縮無等未悉楞嚴所說流變三疊總括始終具
明六根功德婉法之數故知大師閣筆梵僧合符正
為大根功德不為止觀也若言止觀則楞嚴中未嘗
有止觀明文智者大師所立止觀原本於瓔珞契悟
於龍樹取宗於華嚴亦無待乎此經之證成也僧瑩
南宋人也所記載殊非本分事
亦多失實此義斷以尊頂為正

釋崇惠姓章氏杭州人也稱林之年禮徑山國一禪

師為弟子雖勤禪觀多以三密教為恒務初於昌化

千頃最峰頂結茅為庵專誦佛頂呪數稔又往鹽官

硤石東山卓小尖頭茅屋復誓志於潛落雲寺遁迹

俄有神白惠曰師持佛頂少結莎訶令密語不圓莎

訶者成就義也今京室佛法為外教凌轢其危若綴

旒待師解救耳惠趨程西上於章信寺駐錫大曆三

年戊申歲九月二十三日

諸書皆載大
曆九年誤也

太清寺道士

史華上奏請與釋宗當代名流擁佛力道法勝負時

八宗欽尚空門異道憤其偏重故有
是請諸書載史華以術得幸非是遂於東明觀壇

前架刀成梯史華登躡如常磴道緇伍互相推排無

敢躡者惠謁開府魚朝恩。魚奏請於章信寺庭樹梯橫架鋒刃。若霜雪然增高百尺。東明之梯極為低下。朝廷公貴市肆居民駢足摩肩而觀。此舉惠徒跣登。級下層有如坦路。復蹈烈火。手採油湯。仍餐鐵葉。號為飢餓。或嚼釘線。聲猶脆飴。史華怯懼慚惶。掩袂而退。時眾彈指歎嗟。聲若雷響。帝遣中官鞞庭玉宣慰。賜紫方袍一副。詔授鴻臚卿號。曰護國三藏。勅移安國寺居之。世謂為巾子山降魔禪師。宋高僧傳護法謂惠公為幻僧。與通曰。夫於五塵變現者曰神通。若邪心變五塵事則幻也。惠公持三密。瑜伽護魔法助其正定。履刃蹈炎。夫何幻之有哉。瑜伽論有諸三神變矣。○慈山大師云。昔於五臺遇梵師。專持此呪。其

聲猛厲如訶遣之狀。問之曰。此鬼神之名。今呼遣付屬。非心力猛利不能成就。此正取不思議力也。○陳時蜀中一士登科者。因赴調投宿。失道。至暮不遇店。一僕一馬。悽愴窘怯。忽見一野次燈燭。甚盛。羅列几案。五六客據坐。酒肉盈前。士就揖。之皆相顧有喜色。曰。我曹相聚。得官人肯臨。大幸。遂邀住同飲。請居。色向士辭。不敢往。復良久。竟處主席。且使著公服。拜神酌數盃。一髯者起。白曰。敢問吾官所能。士曰。本書生竊科第。只解作詩賦。他無所長。固問之曰。實然。髯怒發。語抵突。意若不善。士祥起。如廁。跨馬疾馳。彼亦不追。逐行曰。四十里。且五更。得孤寺。扣門。僧出。釋道。即推。中有所習。否曰。麤記白傘。蓋真僧。曰。足矣。但堅坐。金剛背。後僕馬莫相遠。若見異境。但誦此文。士如其戒。俄頃。刀劍鏗然。飛集無數。士閉目。默誦真言。又聞兵器。憂擊。甲騎縱橫。而俱不能相向。道天明。愈劇。逼。兵方止。士飢渴。憂危。始見僧來。招入寺。謂曰。此輩皆習南法。害人極多。危一歲。必擇日祭神。而餒其。肱然後較藝。或新得一法。彼此傳授。渠見君來。以為同業。故相待如此。既不如所欲。故謀加禍。昨日吾不敢

佛頂鉢錄卷三

五

納君畏其遷怒也今不得有所施彼行且自促冀咎
留至明日登途沿路戈甲各劔以千萬計悉剪紙所
為者白傘蓋者二千一百三十字在諸呪中最為難
讀頗與孔雀明王經相似僧徒亦罕有能誦習者故
妖魔外道敬畏之云 大明仁季皇后勸
善書卷十按陳時陳字應有誤當是唐字

周洛京福先寺道丕世宗尹釐府政嫌空門繁雜欲
奏沙汰丕抗議停寢及世宗登極丕謂僧曰吾皇宿

昔有志汝當相警護持堅乞解歸洛陽又立禮首楞
嚴二年果勅併毀僧寺并立僧帳毀教不深乃丕之

力也 贊寧高
僧傳

張伯端一名用成字平叔天台人少得混元之道龍
圖陸詵守成都往依之遇異人授金丹火候道成著

悟真篇徧參禪門大有省發後讀雪齋祖英集發明

心地作歌頌以伸其旨且曰獨修金丹而不悟佛理
卽同楞嚴十仙人諸趣之報未幾跌坐而化鍊其蛻

得舍利子百紺碧色 出佛法
金湯 ○真人張平叔在丹丘

之塵遇頂冰貧士出龍馬所負之數遂領厥旨功成
著悟真篇且曰吾形雖固而未究本覺之性遂探內

典到楞嚴有省作禪宗歌頌叙中引楞嚴十種仙壽
千萬歲不修正覺報盡還來散入諸趣之語又曰為

此道者當心體太虛內外如一若立一塵卽成滲漏
此不可言傳之妙曉得圓覺金剛則金丹之義自明

何分老釋異同哉。則知平叔乃求出離生死之法。必歸仗於佛。為究竟耳。出人天寶鑑

如一庵者。永嘉人年十五。師事方山和尚。出家登具。

久依竺元和尚。得其要領。住保福。退居西澗十年。道

望益隆。師早年發志。暗誦首楞嚴經。至第五卷。得嘔

血疾。乃輟疾瘳。一夕夢見所未誦經。皆金書布空中。

厲聲讀之。既覺猶存。移時始隱。故師再誦足此一經。

每日誦一過。至終弗替。出國初。恕中無愠禪師。山庵雜錄。如庵至正間人。○宣律師。神州塔廟感通傳。載隋新繁縣書生荀氏空中書金剛經。因緣與此畧同。

金壇王肯堂曰。余為庶吉士時。館師韓敬堂先生嘗

言。趙文肅公貞吉為教習時。一日至館。謂諸吉士曰。

昨晤張太岳。居正訊吾何以課諸君。吾應之曰。方令

讀楞嚴經。太岳搔首曰。也太奇。然吾思之。諸君少者

逾三十歲。長者逾四十矣。人壽幾何。不以此時奇。更

待何時耶。出王宇泰。麓岡齋筆塵。

義解第五

贊寧宋高僧傳。東京師崇福寺。惟慤傳云。惟慤俗姓

連氏。齊大夫稱之後。本馮翊人。官居上黨。為路人也。

九歲割愛。冠年納戒。瀾漪內湛。蕨蕤外發。嗜學服勤。

必無倦色。或經筵首席。或論集前驅。或叅問禪宗。或

附麗律匠其志淵曠欲皆吞納之年臨不惑尚住神都因受舊相房公融宅請未飯之前宅中出經函云相公在南海知南銓預其翻經躬親筆受首楞嚴經一部留家供養今筵中正有十僧每人可開題一卷慤坐居第四舒經見富樓那問生起義覺其文婉其理玄發願撰疏疏通經義及歸院矢誓寫文殊菩薩像別誦名號計一十年厥志堅強遂有冥感忽夢妙吉祥乘俊貌自慤之口入由茲下筆若大覺之被善現談般若焉起大曆元年丙午也及將徹簡於臥寐中見由口而出在乎華嚴宗中文殊智也勒成三卷

佛頂經卷三

三

自謂從淺智中流出矣於今盛行一說楞嚴經初是荆州度門神秀禪師在內時得本後因館陶沙門慧震於度門寺傳出慤遇之著疏解之後有弘沈法師蜀人也作義章開釋此經號資中疏其中亦引震法義例似有古今之說此岷蜀得之近亦流江表焉盛行神都流疏流傳江表亦如法華門慈恩之書盛行於北天台之書盛行於南也圓覺經是闍闍實覺故譯出與楞嚴皆是近譯慤公並為撰疏慤誠有功於法苑矣○萬松請益錄舉楞嚴經云何難言如來現今徵心所在乃至失汝元常故受輪轉唐惟慤法師治內障四火角返搜五神呪鞭治六金刀垢腦七針骸補助此科第八名膏盲出鬼按慤師分科萬松舉云八處徵心此科第八則知前七科乃七處徵心之科也此科名膏盲出鬼者有師云十類異生同將識

佛頂經卷三

三

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

心居在身內此膏肓之鬼也世尊云咄此非汝心是出鬼也或金拳舉處言下要識本心亦出鬼也慈師玄贊雖經先德採擷然微言與義湮沒不傳者多矣偶因評唱得窺剝義謹為附綴於此昔薪已燼後火未然搜訪疏通良有望於後賢也

秀州長水子璿講師自落髮誦楞嚴不輟初依洪敏法師講至動靜二相了然不生有省謂敏曰敲空擊木尚落筌筌舉目揚眉已成擬議去此二途方契斯旨敏拊而證之然欲探禪源罔知攸往聞琅邪慧覺道重當世即趨其席值上堂次出問曰清淨本然云何忽生山河大地琅玕憑陵答曰清淨本然云何忽生山河大地師俛伏流汗豁然領悟禮謝曰願侍巾

鉢牙曰汝宗不振久矣宜厲志扶持報佛恩德勿以殊宗為介也乃如教再拜以辭後往長水承稟日顧眾曰道非言象得禪非擬議知會意通玄曾無別致由是二宗歸之以賢首宗旨述楞嚴經疏十卷盛行於世今五燈諸書璿師列大鑒下十二世嗣琅玕覺台家撰賢首宗教志五祖圭峯法師次長水子璿法師

宋景濂撰華嚴法師古庭學公塔銘載其升堂示眾曰吾蚤通法華雖累入法華三昧然長水璿問道於瑯玕覺又從靈光敏傳華嚴教靈光天台之人也古人為法如此吾徒可專守一門乎靈光敏

者慈光恩公之弟子。台家以其別宗華嚴。斥爲山
外者也。五燈諸錄皆云依敏學楞嚴。古庭云問道
瑯琊。又從靈光傳華嚴。唯章衡長水塔院記云。從
洪敏法師學賢首教觀。而於楞嚴尤明隱牘。其叙
長水傳教次第。最爲有據。琅邪曰。汝宗不振久矣。
宜勵志扶持。勿以殊宗爲介。言汝宗者。正指賢首
本宗。二宗師之職。此故也。靈光台師也。通賢宗以
輔教。慧覺禪師也。勗長水以扶宗。然則台家後人。
謂學華嚴唯識者爲它宗。立有教無觀。訶斥賢首。
寧非擔板之見乎。

孤山法師智圓字無外。自號中庸子。或名潛夫。錢唐
徐氏年二十一。聞奉先清師。傳天台三觀之道。負笈
造焉。慈光恩公之嗣爲清敏二師。慶昭智圓並嗣清師。所謂恩清昭圓者也。凡二年而
清。遂往居西湖孤山。二十四年著書百二十卷。撰
述經疏世號十本疏主。乾興元年入滅。遺戒歛以陶
器。斲所居巖以瘞之。後十五年積雨山頽。開視之。爪
髮俱長。脣微開露齒。若珂玉。乃更襲新衣。屑衆香散
其上。而重瘞之。嘗謂楞嚴一經。劇談常住真心的示
一乘修證爲最後垂範之典。研覈大義以爲一心三
止。卽首楞嚴大定諸佛一路圓證之門。智者三止之

說與經懸契以三觀四教約文申義以啓後人淨覺謂其得經之深非諸師所可及也

吳興汰師仁岳雪川姜氏聞法智南湖之化往依爲學至水月橋擲筮水中以誓居東厦白晝焚膏專事紬繹因出境分衛乘舟水行偃臥舒足豁然自得若拓虛空檣爲之折每請益函丈擷大屨關大鑰衆望風畏之初爲山家之學贊助四明甚力修請觀音三昧病間晏坐恍如夢覺謂向學皆非述三身壽量解以難妙宗上十諫雪謗抗辯不已山家斥爲背宗晚年還雪專修淨業然三指以供佛治平元年春留偈

安坐而亡師於楞嚴用意尤至會諸說爲集解十卷熏聞記五卷楞嚴文句三卷張五重玄義則有楞嚴說題明修證深旨則有楞嚴懺儀復於呪章調節聲曲以爲諷演之法

山家擬佛祖通紀孤山爲高論旁出世家義學之士有習其說者指爲山外諸師之見吳興則斥其皆宗置文此不贅錄
四明諸文此不贅錄

泐潭禪師曉月字公晦得法於瑯琊廣照住洪之泐潭寶峰精舍晚年引退於盧仙山之道濟庵與其徒論楞嚴旨訣依長水義疏科目掇其要義於科文之下題曰標指要義時有開士應乾從師叅學錄而藏

佛頂心錄卷三
之後繼東林法席乃出其文遺禪林中

金陵殷祭酒邁曰宋溫陵環禪師半生掩關棲息超然冥搜神解宗教淹通而研精楞嚴尤多妙悟自天如會解出義學宗之講席相沿環公要解遂掩而莫傳會解所輯諸家每貴多聞旁引他經以證本經不知楞嚴自有本經宗旨乃了義之談終極純圓之教豈他經可得而盡符者哉溫陵直吐胸中所得以經解經發宣要眇而亦未嘗遺聞也諸家雖各臻玄奧要之善說楞嚴似無出溫陵之右者殷公輯楞嚴解會解諸家畧附其後滇南陶仲璞訪求其遺本囑余流通余謂環師要解與會解互有得失法海無涯末

可遽判爲定本也環師解華嚴自叙三復方山長者疏論稍解端倪故以方山爲正清涼爲助殷公讀華嚴亦深於合論得力觀其宗致相同則知其水乳之因矣

天如則禪師答本林和尚云昔幻住老人語余楞嚴一經禪者多取以爲準的吾嘗就徵心辨見處略加指點而全經大旨尚欠發明又命足下取武昌魏靜復新刊小本付余余亦默領其意當時此一段話獨足下與聞之今忽見索是代老人刷稽遲耶催宿通耶使余愧悚不已又與昱藏主云二十年前余受先幻翁囑累至近年始成會解學者不可不細讀讀之不可不深思思之不可不力行既讀既思而不行則

白紙黑字而已

按幻住師弟於楞嚴一經鄭重付囑如此今會解已為故紙而二公囑累

之深意禪講之家知之者鮮矣讀師子林別錄為之三嘆

雷庵受合論叙云寂音諱德洪字覺範筠陽人年十四通唯識十九叅寶峰真淨畢大事門寂音尊者其自號甘露滅其別號也無盡居士罷相為逐客寂音亦羈縻罪地乃成此論圓悟禪師見而嘆曰真人天眼目也肇法師在園扉中終寶藏論大慧焚牒鼠梅陽著正法眼藏寂音亦狀少年雋異自儒生祝髮文字膾炙人口遂目為詩僧大慧處衆時嘆其妙悟辨慧嘗尊以師禮住雙徑日圖其像而贊之自貶所還

同安首修其塔近有作公論者肆筆詆訶多見其不知量也始寂音著論靈源以書抵之謂室後人自悟之門寂音後叙答禪宗經論之問因已辨之力矣未達者以為矛盾寶覺嘗與老南和尚分座黃檗尋從泐潭月授此經要及居晦堂日讀此經不輟每掩卷拊几告叅徒曰此禪髓也有以知前代宗師互相激揚未可以差殊觀也靈源謂寂音曰聞在南中時究文字之學不能洞當人之性源加箋釋非不肖所望蓋智眼病在依佗作解窒自悟門資口舌則可勝淺聞廓神機終難極妙證放於行解多致叅差而日用見聞尤增隱昧也雙溪彭以明日滯於跡者不究所歸往往惜其牽於儒習嗟夫盤之走珠珠之走盤了無不可而妄議其橫斜曲直是豈真知寂音者不幾

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

佛光大藏卷三

墮於戲論歟。雙溪之論蓋為靈源言之也。而寂音之
深心普願則謂元豐以來師法大壞諸方以撥去文
字為禪以口耳傳授為妙是以搜剔五家綱宗和會
馬龍性相教網防閑魔外於像季之秋使佛祖微旨
宗師軌範不致掃地而盡此則其造論著書之宗旨
靈源固未能盡知而雷庵雙溪尊奉頂論者殆亦引
其意而未發也。嗚呼。今日宗門視元豐已後何如寂
音於篆面鞭背炎荒九死之日猶不惜箋釋文句唱
導末法而今之學者昧石門之苦心掠靈源之剩句
泐鵠逐流往而不返許彥周之稱寂音曰於佛法與
救鵠逐流等。於世法程嬰公孫杵曰
貫高田光之用心也。嗚呼尚念之哉。

慈雲法師遵式居天竺日有貴宦註楞嚴求師印可
師烹烈燄謂之曰閣下留心佛法誠為希有今先申
三問若答之契理當為流通若其不合當付此火宦
許之師曰真精妙元性淨明心不知如何註釋三四

四三宛轉十二流變三疊二十百千為是何義二十
五聖所證圓通既云實無優劣文殊何得獨取觀音
其人罔措師即舉付火中於是楞嚴三關自茲而出

出佛祖
統記

悟解第六上

崇福法師慧公夢後猊入口因緣具上義
解門永明宗鏡

引慧公論楞嚴六十聖位曰首楞嚴經於一念上立
六十位如珠中影像物類雖多珠全是一一一珠中
含眾象眾像還入一珠中如六十位一一位含六十
位且如位位全是心證一心能生多心多心還入一

佛光大藏卷三

三

佛世檢錄卷三
心心乎舍。有何妨礙。蓋愨公以華嚴法界圓融具德宗旨。釋通楞嚴地前地後。圓融行布。帝網交羅。一心具足。斯則楞嚴疏解之祖。亦百代心宗之祖也。讓疏輟簡。夢文殊乘俊。猊從口入。出傳以謂在華嚴中。得文殊智。豈不信乎。

長慶道巘禪師。趙州嗣法孫也。撰楞嚴說文宗門引重。註任性自歇。歇卽菩提。引樓子和尚經過酒樓。聞你旣無心。我便休之偈。迢然玄解。出於義學之表。宗見

門評

大慧杲曰。長水雖是講人。與他講人不同。嘗叅瑯琊

廣照禪師。請益首楞嚴中富樓那問清淨本然云何。忽生山河大地之義。於言下大悟。後方披襟自稱座主。座主多是尋行數墨。依句而不依義。長水非無見

識。亦非尋行數墨者。答孫知縣書

泐潭月初與長水同叅瑯琊。妙契心宗。晚居濟庵。與其徒應乾論楞嚴旨訣。撮略長水義疏。命爲標指。科行文句。一如其舊。叅詳印定。儼然師資。乾師得證於東林。照覺出世開法。仍以月公標指。開示禪林。題其首曰。宜陽叅學比丘應乾集錄。其鄭重如此。

黃龍晦堂心公。依翠巖二年。乃還黃檗。南公使分座

接納後來。南遷住黃龍。往謁泐潭月禪師。月以經論
精義入神聞諸方。同列笑之。以爲政不自歇去耳。乃
下喬木入幽谷乎。師曰。彼以有得之得。護前遮後。我
以無學之學。朝宗百川。靈源拾遺云。晦堂心和尚。叅
月公。晦於寶峯。公晦洞明。楞
嚴深旨。海上獨步。晦堂每聞一句一字。如獲至寶。喜
不自勝。衲子中有竊議者。晦堂曰。扣彼所長。厲我所
短。吾何謙焉。師示謝景溫曰。真性旣因文字而顯。要在自
已親見。若能親見。便了知目前。是真是妄。是生是
死。旣能了知真妄生死。反觀一切語言文字。皆是表
顯之說。都無實義。如今不了。病在見聞覺知。爲不如
實。知真際所詣。認此見聞覺知爲自己所見。殊不知

此見聞覺知。皆因前塵。而有分別。若無前塵境界。卽
此見聞覺知。還同龜毛兔角。竝無所歸。其指法親切。

方便妙密。得之楞嚴也。

今按長水發悟於瑯琊宗門。龍象也。一受扶宗之囑。不憚

披襟自稱座主。月公與長水同參瑯琊同門兄弟也。標指疏義承稟科行。說法領法居然四眾。晦堂旣扣老南分席黃檗。却謁月公。咨問楞嚴要義。一字一句。如獲珍寶。乾師得證。東林出世爲人。指示禪林。仍標師說遜志集錄。自命學人。此四公者。虛已通懷。爲法忘我。信可以師表法門。廣厲末俗者也。

悟解第六中

唐睦州陳尊宿問講楞嚴座主。經中有八還四義。是
不。云是宿以杖點童子頭一下。云是什麼義。主無語。
宿云。此義文長。赴在來日。

禪月大師貫休酬韋莊見寄詩云秦客奕棋拋已久
楞嚴禪髓更無過晁文元云貫休之詩以楞嚴爲禪
髓樂天之詩以壇經爲佛心凡此

類例予
並稱美。

玄沙師備和尚兄事雪峰存既而師之嘗提囊出嶺
欲歷諸方度嶺傷足嘆曰此身非有痛從何來是身
是苦畢竟無生休休達磨不來東土二祖不住西天
回筇嶺嶠入室咨訣因閱楞嚴發明心地由是應機
敏捷與修多羅冥契每與雪峰徵詰亦當仁不讓峰
曰備頭陀再來人也

南岳唯勁師雪峰而友玄沙聞鑑上座註楞嚴問曰

二文殊作麼生註曰請師鑑勁乃揚袂而去

僂巖遇安禪師因看楞嚴經至知見立知卽無明本

知見無見斯卽涅槃乃破句讀云知見立句知卽無

明句本知見無句見斯卽涅槃句諸錄皆以知見

今依萬松評唱及雷庵合論補點句爲正於此悟入卽印心於韶國師有

人語師破句讀了也師曰此是我悟處畢生讀之不

易時謂之安楞嚴萬松云也是因邪打正珠絲度九

室良久自入棺經三日門人啓棺哀慟師乃再起升

堂說法呵責曰此度再啓吾棺非吾之子言訖復入

棺長往如此人方可破句讀楞嚴也
今邪師動以破句爲口實斯言可怖

圓明大師無演年二十以誦經落髮授首楞嚴於繼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

舒舒歿卒業於惟鳳文昭趙清獻公請登法席師於楞嚴了義抵掌劇談席下道俗如飲醇酒無不心醉如肉貫弗處處同其義味蓋於此一經心融形釋出入內外篇籍風行電擊無不如意

黃山谷塔銘

報慈文邃導師究首楞嚴甄會真妄緣起本末精博節科註釋文句交絡謁法眼述已所業眼問楞嚴豈不有八還義曰是眼曰明還甚處曰明還日輪眼曰日還甚麼惛然無對眼誠令焚其所註之文

出宗門統要

湖州西余淨端禪師字表明年二十六始獲僧服既而觀弄師子頓契心法乃從仁岳法師受楞嚴要旨

一日岳以經中疑難十數使其徒答之唯端呈二偈曰七處徵心心不遂情懂阿難不瞥地直饒徵得見無心也是泥中洗土塊又云八還之教垂來久自古宗師各分割直饒還得不還時也是蝦跳不出斗岳視而驚異曰子知見高妙必弘頓宗按端師子悟明心地之後乃受楞嚴要旨於岳法師岳能以楞嚴宗致勘辨端師子且為印可豈是尋常座主今之稱宗師者於此可以深省

出羅湖野錄

天童覺禪師歲莫過衛寺承進可之廬有堂曰六湛蓋取楞嚴六處休復同一湛然之義覺作偈云風瀾

未作見靈源六處亡歸體湛存。諸法性空方得座。一
彈指頃頓開門。寒梅籬落春能早。野雪櫺窗夜不昏。
萬象森羅心印印。諸塵超豁妙無痕。妙喜老人繼至
和云。非湛非搖此法源。當機莫厭假名存。直須過量
英靈漢方入。無邊廣大門。萬境交羅元不二。六牕晝
夜未曾昏。翻思龐老事無別。擲劍揮空豈有痕。寺丞
名堂欲資坐進此道。二老皆指以入道捷徑。略不少
惜眉毛耳。羅湖野錄

華藏民禪師講楞嚴有聲。謁圓悟悟問座主講何經。
曰楞嚴。悟曰楞嚴有七處徵心。畢竟心在甚麼處。師

多呈解。悟皆不肯。一日白悟曰尋常拈椎豎拂豈不
是經中道。一切世界諸所有相皆卽菩提妙明真心。
悟笑曰汝元來在者裏作活計。又曰下喝敲牀時豈
不是反聞聞自性。性成無上道。悟曰豈不聞妙性圓
明離諸名相。本來無有世界衆生。民於言下釋然。
宋佛照禪師奏對孝宗皇帝云。欲得徑捷。須離却語
言文字。真實參究。所以古德道念得楞嚴圓覺經。猶
如澗水響冷冷。有人問著西來意。恰似蚊蝱咬鍍釘。
上曰直是難入師云正好著力。

靈隱晤堂遠禪師。孝宗皇帝問云。前日睡夢中忽聞

鐘聲遂覺未知夢與覺是如何師云陛下問夢中底覺來底若問覺來底如今正是寐語若問夢中底夢覺無殊教誰分別夢卽是幻知幻卽離離幻卽覺覺心不動所以道若能轉物卽同如來帝曰覺幻旣非且鐘聲向甚處起師云從陛下問處起帝大悅

宗門統要

續集

千光環省禪師精究律部棲心天台圓頓止觀因閱楞嚴經文理宏深未能洞曉一夕誦經旣久就案若假寐夢中見日輪自空降開口吞之自是倏然發悟老別義門渙然無滯後叅永明潛和尚永明唯印前

解無別指喻

溫州龍翔士珪禪師醉心楞嚴逾五秋南遊謁諸尊

宿始登龍門

龍門遠

卽以平時所得白佛眼眼曰汝解

心已極但欠著力開眼耳俾職堂司侍立次問云絕對待時如何眼曰如汝僧堂中白椎相似師罔措眼晚至堂司師理前話眼曰閑言語師遂大悟

建寧宗元庵主室中垂語云楞嚴經中五十種魔界如今盡大地人叅禪更高也出他魔界不得僧云和尚落在第幾界師云和你在裏許僧云某甲不入者保社師云驢漢你擬向那裏去

佛頂校錄卷三
嘉興報恩法常首座於首楞嚴經深入義海。謁雪巢
機契。命掌牋翰。首衆報恩室中。唯一矮榻。餘無長物。
宣和庚子九月。語寺僧曰。一月後不復留此。十月二
十一日。往方丈謁飯。將曉。書漁父詞於室門。就榻收
足而逝。詞曰。此事楞嚴曾露布。梅花雪月交光處。一
笑寥寥空萬古。風甌語。迥然銀漢橫天宇。蝶夢南華
方栩栩。斑斑誰跨豐千虎。而今忘却來時路。江山暮
天涯。目送鴻飛去。

斷崖和尚坐徑山西禪庵。自誓七日不證則決去。未
及所期。豁然大悟。馳至死關。呼曰。老和尚今日瞞我

不得也。明日高峰上堂。舉揚其事。師便奪峰拂子。爲
衆舉揚。訶厲同學。復曰。盡大地有一人發真歸元。從
一皆知之。峰嘆其俊快。虞道園撰塔銘

湖州妙覺期堂僧淨。吳江田家子。旣得度。謁妙峰玄
玄中峰之子也。令參父母未生前。那箇是我本來面
目。參之三十年。無所入。明州華嚴寺僧照公至湖。勉
其誦楞嚴經中。觀音圓通一品。忽一日。誦至生滅旣
滅寂滅現前處。豁然有省。通身歡喜。口不能言。唯手
足舞蹈而已。或問曰。汝風顛耶。答云。寂滅現前。洪武
初十月廿五日。謂照公。十一月旦是我生日。我於此

日死去也。至期沐浴更衣。囑云。我死後三日茶毗。七日煅骨。但恐不受煅耳。及以骨入鍛。骨鎔溢作汁。火冷。結作靈芝一枝。光彩燁燁。五色相間。扣之作聲。雖雕鏤繪畫。有所不如。至今在妙覺期堂。慈盪中山庵雜錄琦楚石禪師。閱首楞嚴經。至緣暗因明。暗成無見。不明自發。則諸暗相。永不能昏。恍然有省。歷覽群書。不假師授。文句自通。宋潛溪塔銘

慈山大師自叙云。萬曆丙戌。予居東海。那延羅窟。禪室初就。身心放下。一夕靜坐。夜起。見海湛空澄。洞然一大光明。藏了無一物。卽說偈曰。海湛空澄雪月光。

此中凡聖絕行藏。金剛眼突空花落。大地都歸寂滅場。歸室中。案頭見楞嚴經。展卷卽見汝身汝心。外及山河。虛空大地。咸是妙明真心中物。全經觀境。了然心目。隨命筆述楞嚴懸鏡一卷。手不停腕。燭纔半枝。屬草已竟。侍者入候。訝殘燭猶在案。時禪堂方開靜。卽喚維那入室。爲余讀之。自亦如聞夢語也。大師別記云。一夕。坐入身世俱空。海印發光。山河震動。境界得相應。慧有頃。悟入楞嚴著緊處。恍然在目。急點筆書之。

悟解第六下

房融遊始興廣勝寺果上人房。有詩云。零落嗟殘命。蕭條託勝因。方燒三界火。遽洗六情塵。隔嶺天花發。

凌空月殿新誰憐鄉國思從此學分身

倚覺寮雜記云房融在韋

后時用事謫南海過韶之廣果寺今之靈鷲也有詩云云融之文章見楞嚴經詩止一篇蓋律詩之祖也按房公以宰相長流詩句蕭然都無悽惋之致豈非筆授首稜之後超然有以自得者耶

杜祁公張文定公皆致政居睢陽里巷相往來有朱承事者以醫藥遊二老之間祁公勁正未嘗雜學每笑安道佞佛對客嘲之文定但笑而已朱乘間語文定杜公天下偉人惜未知此事公有力盍勸發之文定曰君與此老緣熟勝我我止能助之耳朱讐應而去一日祁公呼朱切脉甚急朱謂使者汝先往白相公但云看首楞嚴未了使者如所告祁公默然久之

乃至隱几揖令坐徐曰老夫以君疏通解事不意近亦例闖茸如所謂楞嚴者何等語乃爾耽著聖人微言無出孔孟捨此而取彼是大惑也朱曰相公未讀此經何以知不及孔孟以其觀之似過之也袖中出其首卷曰相公試閱之祁公熟視朱不得已乃取默看不覺終軸忽起大驚曰世間何從有此書耶遣使盡取來徧讀之捉朱手曰君真我知識安道知之久而不以告我何哉卽命駕見文定文定曰譬如人失物忽已尋得但當喜其得之而已不可追悔得之早晚也僕非不相告以公與朱君緣熟故遣之耳雖佛

祖誨人亦必藉同事也。祁公大悅。

出林間錄

朱炎節推問義江禪師。未審此身死後。此心何往。師云。此身未死。此心何往。朱契旨述偈云。四大不須先

後覺。六根還向用時空。難將語默呈師也。只在尋常

語默中。師云。更須吐却。

出禪林類聚

○真宗朝節度判官

朱炎忽於楞嚴有所得。作偈云。

後竟坐化。

出佛法金湯

炎卽林間所載。以楞嚴勸發。杜祁公所謂朱承事者。沈括筆談記尹師魯臨終。手書別范文正公。掌書記朱炎在座。炎老人好佛學。文正令往開諭之。師魯與之坐談。隱几而化。卽此人也。滇南陶珙曰。生死大事。吾儒所諱言。不知四大六根果能覺能空否。以是知楞嚴果不可不讀也。

王文公罷相歸老鍾山。見衲子必探其道學。尤通首

楞嚴。嘗自疏其義。其文簡而肆。略諸師之詳而詳諸

師之略。非識妙者莫能窺也。每曰。今凡看此經者。見

其所示性覺妙明。本覺明妙。知根身器界。生起不出

我心。竊自疑。今鍾山山川。一都會耳。而遊於其中。無

慮千人。豈有千人共一外境耶。借如千人之中。一人

忽死。則此山川何嘗隨滅。人去境留。則經言山河大

地生起之理。不然。何以會通。稱佛本意耶。

出林間錄。○含光旁

論曰。法相宗明共種變不共種變。如山河大地乃一切衆生共相種子。所變唯識論云。如衆燈明。各徧似一。謂一人死。其第八識未嘗滅也。荆公所拈人去境留之義。以相宗參之始得。

舒王女吳安持之妻。蓬縣縣君。工詩。有詩寄舒王曰。西風不入小聰紗。秋氣應憶我憶家。極目江山

千里恨依前和泪看黄花舒王以楞嚴新釋付之
和其詩曰青燈一點映聰紗好讀楞嚴莫憶家能
了諸緣如幻夢世間唯有妙蓮花
出洪覺範冷齋夜話

大慧法語云天台智者大師悟法華三昧見世尊在
靈山說此經儼然未散無盡居士張公閱首楞嚴經
至是人始獲金剛心中處忽思智者當時所證非表
法也嘗謂余曰當真正證入時全身住在金剛心中
李長者言無邊刹境自他不隔於毫端十世古今始
終不離於當念智者見靈山一會儼然未散唯證是
三昧者不待引喻自默默點頭矣
藥山初叅石頭聞
馬祖示曰我有时教伊揚眉瞬目有时不教伊揚眉
瞬目有时教伊揚眉瞬目者是有時教伊揚眉瞬目

者不是山聞祖語便獲金剛心中更無奇特玄妙可
通消息但作禮而已祖知其已證入問近日所見如
何山曰皮膚脱落盡唯有一真實祖曰既然如是將
三條篋束取肚皮隨處住山去此亦獲金剛心中之
效驗者

東坡書金光明經後云常聞之張文定公曰佛乘無
大小言亦非虛實顧我所見如何耳萬法一致也我
若有見寓言卽是實語若無所見實寓皆非故楞嚴
經云若一衆生未成佛終不於此取涅槃若諸菩薩
急於度人不急於成佛盡三界衆生皆成佛道我乃
涅槃若諸菩薩覺知此身無始以來皆衆生相寬親
拒受內外障護卽卵生相壞彼成此損人益己卽胎

生相。愛染流連。附託有無。卽溼生相。一切物變。爲已
主宰。卽化生相。此四衆生相者。與我流轉。不覺不知。
勤苦修行。幻力成就。則此四相。伏我諸根。爲涅槃相。
以此成佛。無有是處。此二菩薩。皆是正見。乃知佛語。
非寓非實。○大悲閣記。夫大悲者。觀世音之變也。觀
世音由聞而覺。始於聞而能無所聞。始於無所聞而
能無所不聞。能無所聞。雖無身可也。能無所不聞。雖
千萬億身可也。而況於手與目乎。雖然。非無身。無以
舉千萬億之衆。非千萬億身。無以示無身之至。故散
而爲千萬億身。聚而爲八萬四千。爍迦羅首。八萬四

千。母陀羅臂。八萬四千。清淨寶目。其道一爾。昔吾嘗
觀於此。吾頭髮不可勝數。而身毛孔亦不可勝數。牽
一髮而頭爲之動。拔一毛而身爲之變。然則髮皆吾
頭。而毛孔皆吾身也。彼皆吾頭。而不能爲頭之用。彼
皆吾身。而不能具身之智。則物有以亂之。吾將使世
人左手運斤。而右手執削。目數飛雁。而耳節鳴鼓。首
肯傍人。而足識梯級。雖有智者。有所不暇矣。而况千
手異執。而千目各視乎。吾燕坐寂然。心念凝然。湛然
如大明鏡。人鬼鳥獸。雜陳乎吾前。色聲香味。交通乎
合體。心雖不起。而物無不接。接必有道。卽千手之出

千目之運雖未可得見。而理則具矣。彼佛菩薩亦然。雖一身不成二佛。而一佛能變河沙諸佛。非有他也。觸而不亂。至而能應。理有必至。而何獨疑於大悲乎。覺範尊頂論解觀音圓通章全引此文。○紫柏曰。魚活而筮死。意活而言死。故曰承言者喪。滯句者迷。予讀大悲閣記。乃知東坡得活而用死。則死者皆活矣。坡嘗稱文章之妙。宛曲精盡。勝妙獨出。無如楞嚴以二記觀之。公非但得楞嚴死者之妙。苟不如楞嚴活者。烏能即文字而離文字。離文字而示手目者哉。

蘇子由書金剛經後云。予讀楞嚴。知六根源出於一。外緣六塵。流而爲六隨物。淪迹不能自返。如來憐愍衆生。爲設方便。使知出門卽是歸路。故於此經指涅槃門。初無隱蔽。若衆生能洗心行法。使塵不相緣。根

無所偶。返流全一。六用不行。晝夜中中流入。與如來法流水接。則自其肉身。便可成佛。如來猶恐衆生於六根中。未知所從。乃使二十五弟子。各說所證。而觀世音以聞思修爲圓通第一。其言曰。初於聞中。入流亡所。乃至寂滅現前。若能如是。圓拔一根。則諸根皆脫。於一彈指頃。遍歷三空。卽與諸佛無異矣。旣又讀金剛經。說四果人。須陀洹。名爲入流。而無所入。不入色聲香味觸法。是名須陀洹。乃廢經而嘆曰。須陀洹所證。則觀世音所謂初於聞中。入流亡所者耶。入流非有法也。唯不入六塵。安然常住。斯入流矣。至於斯

陀舍名一往來而實無往來阿那舍名爲不來而實無不來蓋往則入塵來則返本斯陀舍雖能來矣而未能無往阿那舍非徒不往而亦無來至阿羅漢則往來意盡無法可得然則所謂四果者其實一法也但歷三空有淺深之異耳予觀二經之言本若符契而世或不喻故明言之○子由書楞嚴經後云予自十年來於佛法中漸有所悟經歷憂患皆世所希有而真心不亂每得安樂崇寧癸未自許遷蔡杜門幽坐取楞嚴經翻覆熟讀乃知諸佛涅槃正路從六根入每跌坐燕安覺外塵引起六根根若隨去卽墮生

死道中根若不隨返流全一中中流入卽是涅槃真際如淨琉璃內含寶月稽首十方三世一切佛菩薩羅漢僧慈悲憐愍惠我無生法忍無漏勝果普願心心護持勿令退失三月二十五日記○子由謫筠陽榷管洪州景德順禪師與其父文安先生有契分往訪焉咨以心要順舉示楞嚴中搐鼻因緣有省呈偈云中年學道覺前非邂逅相逢老順師搐鼻竟叅真面目掉頭不受別鉗錘枯籐破衲師何事白酒青鹽我是誰慚愧東軒殘月上一盃甘露滑如飴宗門統要○東坡集云子由在筠作東軒記或戲之爲東軒長老其婿曹煥往筠余作一絕句送曹以戲子由云贈君一

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

籠牢收取盛取東軒長老來曹過廬山由示圓通
長老慎欣然亦作一絕送客出門歸入坐跌坐化去
詩話總龜云子由誦楞嚴經悟一解六亡之義自
言於道更無礙然作風痺詩乃有數盡吾則行未應
墮冥漠之句則于理尚有礙也而東坡以謂子由聞
道先我何耶東坡奉新別子由云何以解我憂粗了
一事大笑遜兒詩云中年忝聞道夢幻講以詳贈錢
道人云首斷故應無斷者水消那復有冰知主人若
苦令懷認認主人人竟是誰又云有主還須更有賓
不如無鏡自無塵只從半夜安心後失却當年覺痛
人呈東林總老云溪聲便是廣長舌山色豈非清淨
身夜來八萬四千偈他日如何舉似人如此善句雖
宿老病不能屈也

子由解老子視之不見章云視之而見者色也所以
見色者不可見也聽之而聞者聲也所以聞聲者不
可聞也搏之而得者觸也所以得觸者不可得也此

三者雖有智者莫能詰也。要必混而歸於一而後可
爾。所謂一者性也。三者性之用也。人始有性而已。及
其與物構。然後分裂。四出為視為聽為觸。日用而不
知反其本。非復混而為一。則日遠矣。若推而廣之。則
佛氏所謂六入皆狀矣。首楞嚴有云。反流全一。六用
不行。此之謂也。子由從楞嚴反流全一有悟。故其解
老如此。子瞻歎之謂不意老年見此

奇特也

吳人鄭夷甫。少年登科。有美才。嘉祐中。監高郵軍稅。
務常遇一術士。能推人死期。無不驗者。令推其命。不
過三十五歲。憂傷感嘆。殆不可堪。人勸其讀老莊。以

自廣久之潤州金山一僧端坐與人談笑間遂化去
夷甫聞之喟然嘆息曰既不得壽得如此僧復何憾

哉續燈錄云聞了元佛即談笑化去曰吾得如元公復何憾哉乃從佛者授首楞

嚴經往還吳中歲餘忽有所悟曰生死之理我知之
矣遂釋然放懷無復芥蒂後調封州判官預知死日
旬日作書與交遊親戚叙訣及次序家事備盡至期
沐浴更衣公舍外有小園面溪一亭潔飾夷甫至其
間親督人灑掃焚香揮手指畫之間屹然立化家人
奔出呼之已僵矣亭亭如植木一手猶作指畫之狀
郡守而下少時皆至士民觀者如堵墻明日乃就殮

高郵崔伯易爲墓銘略叙其事余與夷甫遠親知之

甚詳士人中蓋未曾有此事

沈括夢溪筆談

元祐中簽判劉經臣字典朝初未嘗信佛見東林長老
總公與語七日始發信心歷叅禪席至智海逸公
入室徵詰海舉波羅提尊者對香至王因緣如拈出
懷中舊物叅看至七日夜五鼓起坐雙眼便開如百
千日光照宇宙平昔因緣俱上方寸六根震動天地
回旋百千神靈俱來會集海爲證據且曰更須用得
始得自記其始末曰初得發明此事但覺境界非常
尚未知其何等門戶後十月餘於智海侍者案中見

悟宗集乃知佛祖方便提接初機令得悟入自有門

戶若從文殊門入者眼根先開大者山河大地小者土木

瓦礫悉皆助汝發機助發自己見性非逐彼色若從觀音門入者

耳門先開巨至雷霆鐘鼓細至蝦蟆蚯蚓悉皆助汝發機

助發自己聞性非逐彼音若從普賢門入者心地先開不須動著跬步

纖塵而能透過山河石壁心洞十方不資後劫余初悟入得此

三門乃作入三門歌一首普示多人奇哉人人具此

難得開通若能開通頭頭是文殊境界步步是觀音

道場處處是普賢床榻不亦快乎文殊門從眼根入

觀音門從耳根入普賢門從意根入楞嚴二十五門

以六根為本而六根中此三根為本廣有八萬四千

門戶若得一門悟入則六根皆通所謂一根既返源

六根成解脫又曰一處成休復六用皆不成是也余

初悟時得此三門次第開通故諸根頓歇而今運用

唯一精明耳學人若不得此而欲般若現前不可得

也劉公有自述悟道集其云三門六根一根返源知其從楞嚴悟入

修撰曾會居士幼與明覺同舍及冠異途天禧間公

守池州會於景德寺公遂以中庸大學叅以楞嚴符

宗門語句質明覺覺曰者个尚不與數乘合况中庸

大學耶學士要徑捷理會此事乃彈指一下曰但恁

庶薦取。公於言下領旨。

侍郎李浩居士。字德遠。幼閱楞嚴經。如遊舊國。志而不忘。造明果入室。應庵堪其胸云。侍郎死後。回甚麼處去。駭然汗出。退叅不旬日。竟躋堂奧。

吳克已。字復之。號鎧庵。淳熙中。四魁待補。去隱左溪。

忽患目疾。持大士號。良已。於是深信。讀楞嚴。至虛空生汝心。內猶如片雲。點太清裏。豁如發蒙。著楞嚴集。

解台家北峰印公之法嗣也。

出佛祖統紀

宋無逸。餘姚人。別號庸庵。經明學修。晚年酷嗜禪學。皇朝召至京師。預修元史。得請而歸。無逸因吾徒居。

頂叩入道之要。余以環公所註楞嚴經。及大慧書問遺之。無逸自是常歛目危坐。而反覆究二書旨趣。有證入。洪武九年六月。因疾。命門人王至等爲書示子詩一首。談笑自若。忽以扇搖曳。止其家人曰。我方靜坐。汝無撓我。遂閉目。以扇掩面而終。時天隆暑。比歛容色。含喜笑。益鮮潤。慈中盥山庵雜錄

金陵殷侍郎邁。號秋溟。以宰官身。修頭陀行。縛禪長干。澄心靜照。從楞嚴發悟。行履蕭然。華亭陸文定公。以楊次公晁文元方之。有牛首山閱楞嚴夜坐詩云。一軸楞嚴閱未終。四山風靜暮林空。忽逢華屋身能。

入自得神珠道不窮樹影欲連雲度處經聲遙聽月

明中共傳鹿鳥春深後猶向煙蘿禮法融公又有自述詩云蕭

條長干寺十年厭葷粥曠然絕緣想道心中夜蕭清晨簡楞嚴披衣燈下讀從聞悟無生心空神自復公

自記年廿一初心學道經過城南見梵宇民居如水晶空界清涼光明歸臥僧舍迴光偶照憶得七八歲

時赤子之心便覺二十年心地如打成一片戊申守制習靜牛首山中閱楞嚴至是覺始獲金剛心中初

乾慧地恍然有悟證之華嚴善財見彌勒後却令見初友文殊永明云因位將極令返照心原更無有異

心益信初所悟爲無疑也

穆文簡公孔暉號玄庵山東堂邑人陽明之門人也

有病中憶楞嚴經詩云四外虚空盡本心却將形識

認來深阿難忽聽如來咄慟極歡生淚滿襟紫栢大

師稱玄庵著述發揮儒釋精奧凡若干部觀病中之偈則玄庵之所得可知矣

隨喜第七

晁文元公云楞嚴會上文殊師利較量二十五入道

法門最許觀音聞中入流清淨音聞圓照三昧予愛

重此法獨聞靈響殊常清妙凝聽怡怡乃是天賜神

奇吉祥助發樂欲俾成大事因緣也自今了達委順

而過凡諸魔境我當以觀空覺妄之智平定於外唯

此佛境我當以聞和攝念之力修詣於內決定不退

轉不復別求入道法門也○楞嚴云想明斯聰想幽

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

斯鈍子年近八旬耳聰心爽清宵靜臥或聞前後左右兒孫列字言音所及辨其誰何有效白體詩云介居僧尚雜警聽鶴猶聾想明斯聰予得萬一○石林燕語云晁文元晚年晏坐蕭然耳中聞聲自言如樂中簧始殷殷如雷漸浩浩如潮或如行軒百子鈴或如風蟬曳緒每五更起坐聞允清徹以為學道靈感之驗陸文定公樹聲云晁文元法藏碎金標揭妙悟如耳音日光見聞覺澄就中似得究竟而葉石林惜其未遇明眼人文元於佛法皈依不二就目前所得境相任歡喜地要之法愛未忘住在實所首楞嚴論色陰盡者各有殊勝境界現前非為聖證文元於此認為究竟是得到法身為法執未透法身去殷秋淚亦謂此老若遇明眼人則世間無是書余謂文元已于世諦中出流此等語言文字所以莊嚴世界

接續慧命天地間自不可少菩薩亦有留惑潤生之事正寓接引一機但其法愛未忘住在安樂果中耳○逍遙翁云五鼓夢回意念未起靈響清徹聞和達聰為三妙音一曰幽泉漱玉二曰清磬搖空三曰秋蟬曳緒凝聽靜專頗資禪說安住妙境何勝如之逍遙翁即晁太傅也近師解入流亡所柱撰觀法頗似為文元想明斯聰所誤

豁決第七已經廣破

晁文元云明法身之體者莫辨乎楞嚴明法身之用

者莫辨乎華嚴金人屏山李之純曰楊龜山云儒佛亦儒者不讀佛書之軒輊者不唯佛者不讀儒書之過

之下又讀阿含等經謂佛或在儒下至讀華嚴經無佛無儒無大無小無高無下能

佛能儒能大能小存泯自在矣

晁氏題圭峰所撰圓覺疏云圓覺之旨佛為十二大士說如來本起因地修之以三觀楞嚴之旨阿難因

遇魔障。燒問學。菩提最初方便。終之以二義。蓋圓覺自誠而明。楞嚴自明而誠。雖若不同。而二義三觀。不出定慧。其歸豈有二哉。出象教皮編。○又載馬延已序。楞嚴經云。首楞嚴經者。始破阿難之迷。終證菩提之悟。然阿難古佛也。豈有迷哉。迷者。悟之對也。迷苟不立。悟亦何取。是故因迷以設辨。憑悟而明解。

林間錄引王文公曰。梵語三昧。此云正定。正定中。所受境界。謂之正受。異於所緣。受故。圓覺曰。三昧正受。釋者謂梵語三昧。此云正受。而寶積云。三昧及正受。則此釋非也。樂城遺言云。王介甫解佛經三昧之語。示關西僧法秀。秀曰。相公文章和尚不會。介甫悻然。

秀曰。梵語三昧。此云正定。相公用華言解之。誤也。公謂坐客。字說穿鑿。儒書亦如佛書矣。按介甫之解。三昧猶為秀鐵面所訶。張無盡以數目釋楞嚴三昧。又將如何。張無盡釋惠我三昧曰。三昧者。根境識。亦曰彼此中間。方其在定。三者茫然。無相若不善。以健力觀察。即邪受而不正受。入于天魔外道。邪觀矣。圓覺云。三昧正受。光嚴住持考其詮釋。蓋以三為二。三之三。昧為闇昧之相也。

朱子語類云。楞嚴經是房融說得如此巧。佛當初也不如此說。如四十二章經。最初傳來中國的文字。其說卻自平實。又云。楞嚴前面。呪是他經。後會說道理。是附會。又云。佛書中六根六塵四大十二緣生之類。

皆極精巧。佛說本言盡去世間萬事。其後黠者出却

言實際理地。不染一塵。萬行門中。不捨一法。沈士榮曰。楞嚴

經。豈房融所能巧說。說有前後。以灌頂密因。集為一部。非附會也。四十二章。乃佛法初來。未宜深旨。譯者

姑從平淺之文。如法華舊譯。有瞿目視世尊之句。後

什云。瞻仰尊顏。目不暫捨。比舊文。藻多矣。房融筆授

楞嚴。不過潤釋其文。安敢巧說佛意哉。東溟管氏曰。

楞嚴後分。說到五十五位。真善提路。十二類生。二十

五。有升沉變態。五種陰魔。五蘊邊際。以及識蘊盡處

此。是何等道理。而可謂之附會哉。使房融能自撰楞

嚴。便是孔子之後一人。何必更求佛於西竺。晦翁謂

楞嚴。經是房融說得如此巧。此中年未定之見也。若

晦翁晚年。作開善道謙禪師祭文。痛悔闢佛。悟到金

剛經滅度。無餘之旨。其見則已超過伊川矣。

則請別尋一箇好底性來。換了此箇不好底性。著佛

逃虛子曰。程明道語韓持國。如說妄說幻。是不好底

未嘗有此說。首楞嚴云。因妄有生。因生有滅。生滅各

妄。滅妄名真。圓覺云。諸幻盡滅。覺心不動。依幻說覺

亦名爲幻。佛說幻妄如是而已。明道既言道即是性

性。豈有好不好耶。此妙真如性。本然清淨。豈容外物

染汙。故佛以蓮花爲喻。蓮花生於泥。不爲淤泥之所
垢染。此妙真如性。在衆生煩惱心中。不被煩惱之所
濁亂。南岳讓白六祖。說似一物。卽不中。修證卽不無。
汙染。卽不得祖曰。祇此不汚染。諸佛之所護念。汝既
如是。吾亦如是。若然。性豈有汚壞。修治者哉。明道言
禪學者。總是強生事。至如山河大地之說。是他山河

佛頂標錄卷三
五三
大地。干你何事。楞嚴經中佛告富樓那一章。乃至引
金木爲喻。極是明白。言人旣證寂滅。更不再起。生滅
之相。若會得。孟子萬物皆備於我。決不說禪者強生
事也。出道
餘錄

屏山李之純曰。伊川言禪者言性。猶太陽之下置器。
其間方圓大小不同。特欲傾此與彼耳。然在太陽幾
時動。此語出於徐鉉誤解楞嚴經五陰之識。如頻伽
餅。盛空以餉他國。空無出入。豈知佛以此喻識情虛
妄。本無來去。其如來藏妙真如性。正是太陽。元無動
靜。無修而修。無證而證。但盡識情。卽如來藏妙真如

性。伊川謂其學者善道。若人語以此理。必曰我無修
無證。此尤誤也。出屏山諸儒
鳴道集說

寓山沈作喆曰。列禦寇御風而行。冷然善也。蓋深悟
性空真風之理。諸器世間皆爲風力所轉。我反乘之。
周流無礙。孰知風之爲我。我之爲空耶。莊子尤善言
風。其言曰。汝聞人籟而未聞地籟。汝聞地籟而未聞
天籟。乃至於吹萬不同。咸其自取。其言風之變略備
矣。二子皆不爲風力所轉者。觀風之動而入於神。可
謂妙矣。然未若首楞嚴之與也。佛之言曰。風性無體。
動靜不常。乃至如來藏中性風真空。性空真風。清淨

本然周徧法界等。又瑠璃光一章。觀此世界及衆生身。皆是妄緣風力所轉。乃至我以觀察風力無依等。嗚呼。天下之至理。惟聖人能言之。而心悟至道。有大辯才者。亦能言之。然相去遠矣。列禦寇莊周之視瞿曇也。夸雄曼衍。則可觀矣。孰若句句皆入妙理。而極於聖處者乎。若宋玉之賦。則爲文章諷喻而已。韓退之陸渾山火詩。極於詭怪。讀之便如行火所燬。鬱攸衝噴。其色絳天。阿房欲灰。而回祿煽之。然不見造化之理。未可與語性空真火之妙也。出沈明遠寓簡。○欲界第五化樂天。壽八千歲。人間八百歲爲此天。一晝夜。然則彭祖八百。不過此天。一晝夜耳。莊子曰。朝菌不知晦朔。蟪蛄不知

春秋。而彭祖乃今以久特聞。不亦悲乎。孰謂莊列之書。不通佛法哉。○沈明遠曰。玄沙示衆云。諸方盡道接物利生。忽遇三種病人來。如何接得。患盲者拈椎豎拂。他又不見。患聾者語言三昧。他又不聞。患瘧者伊說又說。不得若接此人。不得佛法無靈驗。予觀楞嚴會中。阿那律陀無目而見。跋難陀龍無耳而聽。疏伽神女非鼻聞香。騎梵鉢提異舌知味。舜若多神無身覺觸。如來光中。映令暫現。旣爲風質。其體元無。諸滅定盡得寂聲。聞摩訶迦葉久滅意根。圓明了知。不因心念。佛法可謂靈驗也哉。

葉夢得云。吾聞如來會中阿那律陀無目而視乃至無覺無觸等。此自根塵中來。爲復在根塵外。若言根塵中來。彼自無有。誰爲受者。若言在外。我旣無內。云誰爲外。若能解此。則老氏言視之不見。名曰希。搏之不得。名曰微。猶是落第二義。人生十二時中。要須常體會此一段事。勿令冷眼有人看見。若上放言

陳白沙有午睡起絕句詩云。道人本自畏炎炎。一榻香風晝卷簾。無奈華胥留不得。起憑香几讀楞嚴。蜀人安磐云。公甫自是禪學。如此詩云。又云。天涯放逐渾閒事。消得金剛一卷經。又云。是身如虛空。樂矣生

滅滅是也。予謂公甫禪學。直是滿盤托出。何曾如昔人所謂改頭換面者耶。

劉文卿曰。羅近溪先生謂楞嚴與中庸相合。余久而漸悟。莊氏知無無矣。未知常住之性也。如如不動。豈非不已哉。七徵八還。四科七大。和合二相。四大狂頭。二十四圓通。微細不漏。乃人間日用之理。彷彿明則誠之旨。無聲無臭之說也。

徐渭文長曰。玉芝大師名法聚。居湖郡之天池山。渭嘗請師作首楞嚴晦昧爲空一章解。又代濟法師答白居易書。合千有餘言。據案落筆。應手而成。與旨精

辭一時皆澈

文長玉芝聚和尚傳文長喜讀楞嚴謂得其妙義有楞嚴解惜未行於世○玉芝嘗參陽明得悟於夢居禪師密藏開公評其集曰焚絕法舟之類耳

陸莊簡公光祖講楞嚴集緣疏云覺皇出世廣設化門隨大小利鈍之根設半滿頓漸之教求其密因顯示發上機中之最上機妙諦全提聞勝義中之最勝義俾轉凡成聖在彈指間離妄契真如伸臂頃莫尚於首楞嚴經矣何者蠢爾兆庶生茲五濁常遭慾障多值退緣故如來因阿難陀為緣起特說了義之經文殊讚觀世音為圓通直指聞修之路徵心辨見總是即迷而破迷斷惑祛魔無非以幻而除幻蓋彌高

而彌深亦至易而至簡非一切修多羅所能及也

西昌蕭士瑋春浮園偶錄云二十八日早課楞嚴二

卷波斯匿王章

張湛云生質根滯百年乃終化情枝淺視

瞬而滅弘明集云人理飄紛存歿若幻籠以百年命之孩老無不盡矣時則無止運則無窮既往積劫無數無邊皆一瞬一閱以及今耳今積瞬以至百年曾何難及而又鮮克半焉何一甘臭腐於漏刻以枉長存之神而不自疎於遐邇之風哉念之凄然初一誦五六卷三決定義章無上法王三章森然衽席之上飲食之間殊死相枕而世固恬然樂而就之相刃相齩而

莫之能止亦可痛也

佛玉排曰讀楞嚴若語警策近時士大夫學佛者如此亦甚矣



子十二